




第七
 建康集鈔
 横浦詩抄
 浮溪集鈔
 香溪集抄
 屏山集鈔
 章齋詩抄
 玉澗集鈔
 北山小集抄

十七

柳田文庫
 文庫11
 D 156
 17



吳孟舉同選
自牧

文獻
D 156
17

宋詩鈔三集

錢氏
古堂藏

宋詩鈔三集目錄

葉夢得 建康集

張九成 橫浦集

汪藻 浮溪集

范浚 香溪集

劉子翬 屏山集

朱喬年 韋齋集

朱松年 玉澗集


程俱 北山集

吳微 竹洲集

周必大 省齋集

朱熹 文公集

平園續集



范成大

石湖集

陸游

劔南集

陳傅良

止齋集

楊萬里

江湖集

荆溪集

西歸集

南海集

朝天集

江西道院集

朝天續集

江東集

退休集

建康集鈔

四二

葉夢得字少蘊。吳縣人。紹聖四年進士。自婺州教授召為編修官。歷祠部郎起居郎翰林學士。出知汝州。提舉洞霄宮。政和五年起知蔡州。移帥穎昌府。尋提舉南京鴻慶宮。紹興初起為江東安撫大使。兼知建康府。移知福州。上章請老。仍提舉洞霄。致仕而卒。贈檢校少保。夢得有總集百卷。此集乃知建康時所作。總集中之一集也。建康是時值用兵。契濶鋒鏑之中。而吟咏蕭散。固是詩人之致。

赴建康過京口呈劉季高

客路重經黃鵠前。故人仍得暫留連。長鎗大劔笑安用。白髮蒼顏空自憐。照野已驚橫雉堞。蔽江行見下樓船。灞陵

醉尉無人識。謾對雲峰說去年。時季高再新城上月觀

送模歸卞山并示僧宗義為余守西巖者三首

自我離山間。忽已兩改月。飢人不忘食。未坐先已說。家僮挾書至。驚起慰愁絕。推尋到雞犬。問訊曲窮折。此生豈多為。一罅萬慮滅。可能復大錯。更鑄八州鐵。江東領汝歸馬

蹄輕初不恨。觸熱慙慙報松竹。吾豈成久別。

端居探幽奇。自謂略已徧。昨登西山嶺。雄絕昔未見。溪湖莽吞吐。雲物紛百變。乃知十年閑。尚或遺勝踐。東成輒棄

去。我豈秋社燕。築南山絕頂亭基垂成而來為我課僮僕。開闢盡二面。

莫言羊腸險。徑小煩屢轉。杖藜不用扶。吾脚猶爾健。

生長在山間。從公守蓬戶。人言膏粱子。粗免污恒務。官居無多戀。暫止復遽去。家法恐未傳。此心良已素。義禪晚從

我。似識此間趣。西巖鬱嶽岑。久斷俗子路。聊持山中節。為我主畱務。封陞際湖海。雲月皆所部。

建康舊俗貴重九上巳諸曹皆休務祀神登北山叅

議馬君獨不出。攜詩相過。因言石林之勝。次其韻。

倦飛歸鳥正思還。扣戶聊分半日閑。勝事漫同談栗里。佳時休笑負龍山。簿書已老無餘力。香火朝真有舊班。他日尚期能過我。試窮千嶂共追攀。

西齋初成。廨中舊有太湖石數十株。因植之庭下。

萬怪千巖不易求。壺中聊寄小瀛州。稍看砒兀雲峰出。便有檀欒桂樹幽。絕境自知難遽忘。奇蹤爭怪獨能畱。山翁已老猶兒戲。漫擬伸眉一散愁。

與晁激仲夜話

外家文采到諸郎。凜凜辭鋒未可當。伴我何辭共戎馬。憐君聊欲濯糟漿。激酒 池州 殘年落寞風塵際。永夜從容燈燭光。祇恐扁舟欲去。病慵無意簿淮陽。

次韻再答激仲

生涯久許捕魚郎。鳧雁相追不亂行。但近陶廬存菊徑。不辭楚酒醉椒漿。交情老柏寒方見。妙語靈珠夜有光。回首漸知歸路好。已看梅柳動初陽。

雨夜與模論中原。且起模與徐敦宗遊清涼。覽觀形勢。嘉其有志。因以勉之。

千年石頭城。突兀真虎踞。蒼茫劫火餘。尚復畱故處。大江轉洪濤。騰踏不可御。空城寂寞潮。日暮獨東去。登臨欲弔古。俯視極千慮。吾兒勇過我。蓐食穿沮洳。謂言撫中原。未暇論割據。功名亦何人。我老聊自恕。它年報國心。或可借前箸。無為笑頽然。已飽安用飫。

懷西山

西山十畝強。高下略不齊。嵌空抱奇秀。上有凌雲梯。架屋八九間。茅簷敢辭低。所欲而勢好。老稚通扶攜。密竹轉修徑。老松故成蹊。仲冬景氣蕭。碧草猶萋萋。仰視天宇大。四觀渺回溪。徐行信足力。未畏成顛躋。周意各有適。孰云無町畦。平生幾濡首。末路乃噬臍。不作巢幕燕。肯從觸藩羝。胡為濫麾鉞。坐聽鳴鼓鼙。外物委蟲臂。全生息馬啼。可能三徑草。歸路老更迷。

山間每歲正月望夜。梅花正開。多與客飲花下。今年郡廨獨坐。十四夜張暘叔是激仲相過。共話宣和。

閒事慨然歸不能寐因以寫懷

山頭野梅白玉花。月明弄影紛橫斜。青天無雲萬峰立。下
有三畝幽人家。年年春歸不暇省。但掃雪徑尋寒葩。老夫
已忘少年事。燈火豈念更繁華。一杯起步徧空谷。破屋歸
卧。瞰朝霞。陪都復來亦何有。凜凜殺氣浮高牙。重關深鎖
夜漏永。忽記昨夢翻長嗟。景龍門前一月會。金盃賜酒余
雄誇。神州陸沉近歸我。漢節方議通。沙天翻地覆。那得
料。忍復更聽漁陽撾。

蔡子因相過雷踰月

解作江山一月留。仲文儒雅更風流。欲知爵躍心能喜。正
愛蟬連語不休。築室君方論並舍。子因約同居書上歸山我已辦
扁舟。交親四海今餘幾。萬事傷心付白頭。

徐敦濟書報嘗過余石林

繞澗新添數百竿。故人書為報平安。似聞謾謾山風響。正
想陰陰夏箨寒。老去不能窮蠹簡。歸來便擬挂塵冠。一杯
且覓林間約。莫枉山王廢舊歡。

送沈傳曜

卜峰摩青空。東望烏氏敦。豈忘宿春糧。終媿一欵門。邂逅
此相遇。傾懷得徐論。人言解牛刀。要使當劇煩。未悟清廟
器。朱絃列罍尊。我衰百慮息。但念三畝園。王師肅西征。萬
馬先雲屯。何力償賜履。緬慙羨歸軒。寄聲舴艋舟。想見浮
雁村。清冷尚可釣。無使雲水渾。

偶書為山亭二首

為山亭下小噴。只欠蕭蕭竹數竿。但遣飛流時漱玉。且

將歸息爲翁寬
微風似與洗庭除。石枕蠻藤不負予。八尺方牀聊已足。可
須仍要讀殘書。

次韻程伯禹贈宗室趙朝請

人物相望不並時。使君水鑑有真知。未論理窟傾三語。只
鬪詩壇自一奇。擾擾干戈猶戰伐。紛紛簿領更喧卑。應須
便作高軒過。好德何人佐我儀。

題晁公耄惠崇溪山

荒林翳宿莽。脫木寒無煙。不知三間茆。中有幾醉眠。山遠
尚見雪。江空欲吞天。歸舟定何許。滄波方渺然。

觀化堂編校舊書

赫日真能永。微風亦自涼。故應便北戶。何取厭東墻。汲水

聊爲戲。繙書却未忙。平生閑與嬾。併覺味兼長。

翰墨他生業。山林晚歲心。那知身已老。但覺意增深。捉麈
誰能話。扶筇可細尋。晚來庭鵲喜。似恐有歸音。

憶朱氏西澗

澗下流泉澗上松。清陰盡處有層峰。應知六月水壺外。未
許人間得暫逢。

憶向中流置竹牀。萬錢無處買清涼。只今路斷無來客。自
撥新醅醉幾場。

再任後遣模歸按視石林四首

巖石三年別。君恩未許歸。從誰尋草徑。爲我飲荆扉。舊繞
山千疊。新添竹一圍。故人如見問。端欲挂朝衣。

白髮登堂上。孩兒更共懷。弄孫那得見。將母竟難諧。已絕

功名望猶疑出處乖。此心終未穩，何處復安排。
插架環千軸，傳家有舊書。展舒慙八索，涼曝闕庭除。
破屋方懸溜，殘編足蠹魚。好須重檢校，尚鎖莫令疎。
細路穿南嶺，新松幾許長。毋庸馳馬足，祇擬轉羊腸。
更作高亭好，初非亂石妨。兩溪渾在眼，似欲見帆檣。

東園作草堂新成二首

官舍如何有草堂，野人熟處自難忘。池開月映千山迥，檻
靜風生六月涼。幽徑也從穿別浦，小舟還似過橫塘。淡知
幕府文書省，盡付甘眠亦未妨。

密覆荒茆已數重，中開別戶更相容。若無公事妨人樂，多
有清閑借客慵。南浦潮平分賸水，堂前浦與北山路近得
青松。近我北山怪翁歸意何能緩，新築高臺見卧龍。園中

山因積土作臺遂見壽山

徐敦立相過

茆齋一曲傍寒灣，邂逅終年伴我閑。契闊易驚成歲月，追
尋空復對江山。暫留客枕聽疎雨，時久旱方得雨遙想吾廬掩舊
關。落莫歸心誰與話，坐談聊爲起衰顏。

同敦立游蔣山謁寶公塔王荆公墓晚過草堂寺周

頤故宅也

我居在城府，再至俄二年。豈無山水心，可奈簿領纏。今晨
偶乘興，適此賓從賢。零雨洗驕陽，谷中聽流泉。憑高快遠
覽，正見江浮天。至人本無心，與我常周旋。誰云喚不應，汝
意自不虔。余自到鎮每雨賜新麥隴稍已滋，橫水漲微連。
佳城倚華表，拱木埋貂蟬。暮過草堂寺，借榻聊暫眠。不復

聞怨鶴荒茆但連延。歸路踐落日羣峰鬱相先。回風送遠
響虛里生晚煙。吾廬悵何許東望良慨然。

用前韻送敦立

畏作親友別。况復非中年。身如三眠蠶已老。翻自纏。搗來
守江關。從事寧獨賢。經年兩大入。燿火通甘泉。石林豈壺
中。亦自有一天。采薇敢言勤。誰與歌勞旋。上書苦祈哀。傾
寫忠已虔。坐懷北山巖。未見西溪連。人言搏風鵬。不及翳
葉蟬。共攬攜手客。可忘曲肱眠。首鼠信禿翁。胡為尚遷延。
子來幸暖熱。愧我一飯先。清詩似鳴玉。想見藍田煙。索去
何乃遽。臨分重依然。

為山亭晚卧

瘦石聊吾伴。遙山更爾瞻。泉聲分寂歷。草色借廉纖。玉粒
時能飽。霜毛日更添。平生疎懶意。况與病相兼。

戲方仁聲四絕句

戲弄扁舟泊宅村。却尋三徑築茆敦。雲邊此意真誰解。贖
作新詩與細論。

水檻新開似浣花。傍溪須更作浮槎。祇應屢費王宏酒。時
要清樽對落霞。

不惜囊錢信手空。荒田却擬望年豐。天公可是憐風月。判
遣詩人一例窮。

盧橘楊梅已及時。我歸先自有前期。平生不作宣明面。浪
愧將軍建鼓旗。

仁聲舊居城東泊宅村。張志和嘗所游也。今徙西溪。
作雲茆菴。因東岡為小亭。號茆敦。欲傍溪開水檻。

久無資會郡守有饋之酒五十壺不敢飲亟易之
乃克成有田數十畝常苦下潦余居石林與雲茆
南北正相望故及之云

橫浦詩鈔

張九成字子韶開封人徙居錢塘從學于龜山紹興二
年策進士直言者置高等九成遂擢首選授鎮東軍僉
判歷至刑部侍郎秦檜和議不合謫邵州復以傾附趙
鼎落職高宗特予宮觀先是徑山僧宗杲與善檜諷論
其與宗杲謫訕謫南安軍十四年從學者稱橫浦先生
每執書就明倚立庭磚歲久雙趺隱然寶慶初贈太師
崇國公謚文忠九成于經學頗多訓解然習于異學故
議論多偏詩亦多禪悅空悟習氣

癸亥初到嶺下寄汪聖錫

人物苦難得閉眼不敢看孤芳擢荒穢秀色出榛菅懷我
同心友正在天一端文字妙入聖操履到所難美玉經三

煨貞松過疑寒憐我窳庾嶺色慘顏不歡書來每慰薦苦
語餘辛酸不上泰山頂安知天地寬相思暮烟起片月過
前巖

食苦筍

吾鄉苦筍佳出處惟石屋玉肌膩新酥黃衣緣深綠林深
恐人知頭角互出縮烟雨養春姿此物未成熟三月臘酒
香開樽媚幽獨烹庖入盤俎點醬真味足未須五鼎牛聊
稱一囊粟揭來庾嶺下歲月去何速經冬又七春未分窮
途哭今朝好事者惠我生一束頭髮甲爛斑味惡韻麤俗
兒童不慣嘗噦噫驚媪僕老妻念鄉味放箸淚盈目丈夫
志存在何事校口腹呼奴更傾酒一笑風生谷

有客

春雨止復作閉門無與居童奴告予言有客叩吾廬束帶
出見之頎然一丈夫手攜一尊酒辭氣何晏如謂言久聞
名曾未瞻簪裾天寒宜飲酒一盃聊以娛盤飧亦草草蔬
果間溪魚顏色溫勝玉言談貫如珠豈期有道者而來警
我愚酒酣意兩適心閒樂有餘四海元有人君勿輕荒區

三月晦到大庾

我登超然臺積雨久不止臺下柳成行柳下滿塘水環塘
率喬木照影弄清泚恍如在故鄉西湖古寺裏氣象極幽
淡景物盡蒼翠十年勞夢想一夕居眼底獨坐不能去頽
然起淡思鐘鳴主人歸燭光何燁燁笑語復移時夜久余
當起歸路夫何如江聲寒玉碎

庚午正月七夜自詠

余性寡所諧平生惟自得談名頸濼縮論利面作赤文不
貴雕蟲詩尤惡鈎櫓麓豪真所畏機巧非予匹所以常閉
門千載求知識黃卷有可人爲之忘寢食亦復愛山水策
杖無與適看雲獨忘歸聽泉常永日內樂萬事休中虛衆
妙入欲以語斯人此事吾無力道喪亦久矣無言三歎息

課書

汲汲我何事愛此隱日光北門終日開風透軒檻涼貧病
何以療六經真古方榮辱頓爾失太山亦毫芒呼兒來讀
書絃誦驚滿堂仕途有捷徑掩口笑我狂

辛未閏四月卽事

閒居喜無事冠櫛每晨興今朝鳩喚夢疑是大雨徵萬事
雖顛沛此兆常可憑須臾到江湖一掃蠻瘴腥雨罷有何

好環江數峰青蛟龍得時橫長堤豁然崩衰老甘寢寐半
夜聞雷聲連岡萬株松漂零一毛輕雨意疑未已浮浮晚
雲蒸咄哉造化兒徒勞竟何成

窮居不擇交賢否那復辨似人輒已喜况復曾半面相見
且寒溫不問風雨變晚來無與遊澄江喜如練攜筇信步
行屈曲隨山轉數日雨不止衝波頽激箭舊雨已不來今
雨誰復見甕頭香滿屋吾計今已辦豈復思故鄉無事且
彊飯

相馬須相骨探水須探源君如識此理知人若神仙可以
千歲下坐照萬古前有時陰求人得意初無言如聞失一
士每食不下咽人才何其拙求一於百千豈獨今世歟自
古皆已然我欲授此法其誰可與傳

十九日雜興

不是南方熱愛此，有永日人事斷經過。蕭然空一室，風驚
牕外竹，聲如清廟瑟。西塘荷已花，北戶棗亦實。仕途非所
長，進寸輒退尺。所以入市朝，愁苦甘首疾。謫來已九年底，
事無憂色。山林興甚長，湖海情何極。

物理情不齊，人生各有好。所好儻不獲，亦各騁奇巧。淺者
不及門，深者入堂奧。名利工欺人，市朝徒膠膠。所得無幾
何，舌焦唇亦燥。其間狹劣者，不售輒復躁。亦有操金珠，候
門致私禱。葡萄得涼州，所求輒復效。砥痔或營糞，車服夸
新好。吾唯戒妻奴，酒熟宜予告。

和施彥執懷姚進道葉先覺韻

西湖十里山，春風一盃酒。茲興良不淺，何日落吾手。我讀
君和詩，襟期一何厚。同生上下宇，共閱古今宙。死生何足
云，餘年付美酎。佩印還故鄉，衣錦眩春晝。一時正兒嬉，千
歲墮塵垢。所以賢達人，中懷元有守。試看牕日中，野馬互
奔驟。區區竟何成，尚誇舌在口。宿習猶未除，新詩漫懷舊。
環顧天地間，四海惟三友。兩老雖未死，二妙已先踣。生者
豈其巧，死者亦非謬。君如悟斯契，萬事可懷袖。銅錢自如
山，金印自如斗。只今定何間，腐骨久已朽。籬菊師淵明，庭
草悲王粲。彼已升層霄，此猶鑿戶牖。浩歌君其聆，相看都
皓首。

子集弟寄江蟹

吾鄉十月開海，錯賤如土。尤思鹽白蟹，滿殼紅初吐。薦酒
斂空尊，侑飯饑如虎。別來九年矣，食物那可睹。蠻煙瘴雨

中滋味更茶苦池魚腥徹骨江魚骨無數每食輒嘔噦無
辭知罪咎新年庚運通此物登盤俎先以供祖先次以宴
賓侶其餘及妻子咀嚼話江浦骨滓不敢擲念帶煙江雨
手足義可量封寄無辭屢

讀東坡謫居三適輒次其韻

且起理髮

憶昔叨從班入朝大明宮五更催上馬夢裏過萬松想見
天竺山九重吟清風頭垢不暇梳爬怪常靡通今來幸閒
放櫛比官忽忽清晨解條辯千梳復重重不羨列禦寇散
髮搖風鬢氣舒兩目明頓與離朱同此樂豈易得快意適
相逢再拜復再拜深恩荷天公

午窗坐睡

年老目飛花心化柳生肘萬事元一夢古今復何有六月
苦夜短午晝何其久頽然北窗下竹儿休兩手昏昏不復
知酣適如中酒睡鄉日月長椿靈未爲壽形存若蟬蛻質
稿如木朽榮辱漫紛紛正夢那復受有夢尚有思無夢真
無垢欲呼李太白醉眠成二叟

夜卧濯足

夏日乏絺葛冬來無衾裯况復竄炎荒令人生百憂空城
舞狐狸深林鳴鶻鷂此邦無足戀聊爲薪水留枯枝煮寒
泉大竈聲颼颼老盆深注湯徐以雙骹投沃久意痛快繫
維今脫鞵須臾膏液上兩踝暖氣浮生平苦寒痺一洗皆
已瘳登山不須扶跳梁逐狙猿

秋興

秋意入茅屋，杖策登平原。落日含西山，一川頓明鮮。蕭蕭江上竹，濼濼巖下泉。我生本閒放，胡爲此拘拳。身世兩相違，於今六十年。勇退未爲怯，銳進豈其賢。

半夜驚夢回，桐葉紛索索。杖藜視天宇，雨罷雲收脚。清風拂襟裾，片月墮籬落。嗟我遊已倦，悵此久淹泊。豆畦今已花，稻壟行可穫。翻思黃卷中，古人誰可作。田園愛潯歸，簞瓢識顏樂。譬彼鷓鴣心，平生在叢薄。

過報恩

籃輿訪蕭寺，煙暝漲春空。遠樹樓頭綠，殘霞山外紅。昏鐘發林杪，人語殷橋東。回首都無迹，人生真夢中。

三月晦城門晚景

雨漲春江浪，云云日夜奔。羣山落雲裏，萬壑吼巖根。沙際人呼渡，煙中牧入村。蕭然何處士，終日撿柴門。

題竹軒

聽說竹軒趣，清幽盡此房。春禽一聲杳，夏簟五更涼。落雪鳴寒玉，啼猿泣古簧。因君詩意到，欲罷不能忘。

二月二十四日卽事

春來尋勝事，此興亦何窮。夜雨亂江淥，朝花暈日紅。雷聲驚嶺北，雲氣漲溪東。簑笠衝泥去，誰知與我同。

卽事

幽事晚山色，幽齋春雨餘。亂紅欹澗水，浮綠漲郊墟。北牖近新筍，西園生野蔬。橫籬遶茅屋，已分老樵漁。

三月二十四日出城

數日雨不止，今晨晴已還。江頭看濁浪，牕外見青山。白鷺

投前浦輕舟漾遠灘樽中有餘酒一酌注頽顏

次施彥執韻

新詩宛見故人面思入江山氣象雄幾歲不堪青草瘴今朝還喜鯉魚風高秋木落雁爲伴久雨江深吾欲東他日樽前如把臂莫驚我已白頭翁

客有談嘉祐間事者一客墜目不應及聞介甫新事

則心目開明殊可怪也聊作詩以紀之

吾道何衰只愴神六經文字變儀秦魏侯酷喜聽新樂中尉生來好殺人海鳥錯將金奏眩葉公元愛畫龍真不逢伯樂休驥首忽遇長沮莫問津

次單推韻

七載離家夢亦驚春來又是聽倉庚熟諳世味心如水忽

見吾人眼尚明青鏡不堪看白髮長鏡何處覓黃精只思歸去西湖上飽喫東坡玉糝羹

十二月初七日述懷

謫居寂寞歲將闌几案凝塵酒盞乾落落雨聲簷外過愴愴雪意座中寒孤飛隻影人誰念萬里長途心自安世事悠悠君莫問雪芽初碾試嘗看

音書意中寒亦欲夢人精念萬里身教心自安世事
蕭風寒莫欲深關八峯欲望西蓋涼茶茶雨聲聲似
伯安十二月晦十日
魏去西歸上斷突東地王魁羹
良吾人地尚問青巖不堪青白髮其難何處貧黃髮只

浮溪集鈔

汪藻字彥章德興人入太學登進士歷江西提舉徽宗
製君臣慶會閣詩藻所和羣臣莫及傳稱於時時胡伸
亦以文名人為語曰江左二寶胡伸汪藻遷著作郎忤
王黼與祠高晉陵八年欽宗遷起居舍人高宗歷擢中
書給事侍講直學士院一時詔令多出其手拜翰林學
士以所御白團扇親書紫誥仍兼綰黃麻似六經十字
以賜除龍圖閣奏纂三朝日曆進顯謨閣學士知徽州
論落職居永州卒在晉陵時徐俯洪炎洪芻自負無所
屈見藻詩於僧壁喟曰我輩人也詣舍上謁而去藻歎
曰燃鬚琢句騷人墨客不平之鳴耳烏足尚哉詩高華
有骨興奇淡遠有浮溪集六十卷失傳此選本文粹所

存也

桃源行

祖龍門外神傳璧，方士猶言仙可得。東行欲與羨門親，咫尺蓬萊滄海隔。那知平地有青春，只屬尋常避世人。關中日月空萬古，花下山川長一身。中原別後無消息，聞說塵因感昔，誰教晉鼎判東西，却愧秦城限南北。人間萬事愈可憐，此地當時亦偶然。何事區區漢天子，種桃辛苦望長年。

過吳明叟新居

誰開大屋沉沉者，門外垂楊拂車馬。主人四十持節歸，高卧綠陰啼鳥下。冥冥一徑傍花入，忽有青池照溪夏。魚吹落日知鏡淨，荷受微風看珠瀉。夫君少有湖海氣，欲駟馬鯨無地跨。故將能事驚世人，坐向雲端差萬瓦。稍培幽桂出窻底，時放青山來竹罅。人言此興極不淺，天遣公忙那肯赦。要須更作輞川圖，他日息歸聊對畫。

同張昌時宿高明寺

幽卧不知覺，窻懸寒日初。矧伊夜來雨，谿聲到吾廬。故人挽我出，忽枉天際書。躋險敢自休，青山轉籃輿。相逢竹間寺，共擷園中蔬。殘僧誰在亡，奄忽十載餘。茗果話疇昔，新晴報鐘魚。東雷亦已鳴，百草蒼穎舒。奈何與之子，齒髮日夜疎。眷此不能發，牽衣更踟蹰。明朝各回首，世事將焉如。

次高郵軍

小雨靜林麓，鶉鴉相應鳴。移舟漾清淺，薄晚荷氣生。歸鳥盡雙去，潛魚時一驚。菰蒲若無人，渺渺炊煙橫。艇子檝迎

我攜魚薦南京月出殊未高疎林隱微明依沒會有處斗
掛天邊城

阻風雨辟邪渡寄王仲成

渡頭急雨鳴森木木杪顛風飛大屋沒腰寒水稻生芽滿
眼青泥車折軸山行值雨舟值風窮愁日日煩天公不如
歸卧澗谿底世事不歸春煙空別君兩年重此別喜君留
大渾冰雪擬將身作賈胡留無奈事如空鳥滅挽我不回
君怒嗔交情把玩轉清新相隨百里還相見只有西山似
故人

避地函亭野步

今日幸無雨天空出遙岑行行不知疲遂至春江潯汲路
轉籬落人不在桑陰平疇漲清波隴麥如人淡溝畎戲鳧
驚新蒲映浮沉我生本樵漁對此諧初心風物豈不好悲
來自難任塵暗中原四海如驚禽黃屋狩萬里兩宮隔
辰參龍移螻螳窺月晦蟾蜍侵宇宙有傾覆茲游豈嘔噉
銷憂賴濁醪太息誰能斟

庚午歲屏居零陵七月二十日以門揜候蟲秋爲韻

賦五首

幽人獨夜時潮落西川根渡口櫓聲急一江煙雨昏城頭
短長更不寐聽譙門趺坐數千息焚香待朝暾
暑退潦亦收瀟湘淨如染時觀自跳魚衝破青琬琰纖纖
初弦月不受薄雲揜近村應漸寒已有鴉數點
人生幾聰明日夜隙駒驟纔經花信風又過麥秋候吾非
金石堅與世相邂逅胡爲聞鐘鳴更歷路傍埃

家山在何許渺渺彭蠡東人來數月程衣敝補道中昨宵
青燈花似墜釵頭蟲兒飢女沉綿歲晚書未通

人言間濶者一日如三秋孤臣昔放逐七見天星周早洿
高門地姓名記前旒如何天雞星不照湘南州

天星周一
作寒暑周

次韻向君受感秋

且欲相隨首霜盤不須多問冰猴冠菊花有意浮杯酒桐
葉無聲下井欄千里江山漁笛晚十年烽火客羶寒男兒
幾許功名事華髮催人不少寬
向侯拄笏意千里肯爲俗彈頭上冠何時盛之青瑣闥妙
語付以烏絲欄日邊人去鴈行斷江上秋高楓葉寒向來
叔度儻公是一見使我窮愁寬

晚發吳城山

風掃陽侯雪陣平雨催摩詰畫圖成氣吞浦溆重林盡秋
著江湖去鳥明厚祿故人無一字長年三老伴餘生會須
滿意開懷抱到眼廬山不世情

過臨平

一別九霄路風煙長滿衣已成身老大無復世輕肥天濶
鳥雙下山寒人獨歸曉來何似雨春水半巖扉
睡起涼生岸鈎簾坐小窻麥風能起柁梅雨不鳴江往事
心長折歸途影自雙依然蒲柳地人老故先降

書寧川驛壁

過眼空花一餉休坐狂猶得佐名州雖遭龍吏嗤韓子却
喜溪神識柳侯盡日野田行罷種有時雲嶠聽鈎輶會將
新濯滄浪足踏遍千巖萬壑秋

宿鄴侯鎮

當時踏月此長亭，髣似河堤柳色青。今日重來堤樹老，一簪華髮戴寒星。微涼初破候蟲秋，露草螢光已不流。搔首與誰論往事，星河無語下城頭。

龜山上方

度險逢幽處，憑誰寫壯懷。連甍棲絕壁，孤塔表長淮。地本吳楓接，山今禹績皆。潮聲從殿寺，竹影自翻階。木杪朱欄出，城坳雪浪埋。乾坤迷枉渚，霧雨泄陰崖。丹葉經寒在，蒼洲向晚佳。魚龍宵聽唳，猿鳥晝窺齋。月滿蟾珠實，霜清磬石諧。僧盂收柏子，樵徑掃松釵。左宦書無鴈，南烹菜有鮭。風煙欺短髮，雲水信殘骸。竟作何鄉老，虛慚素尚乖。江湖今在眼，歸合辦青鞋。

醉別季高侍郎

疇昔追隨翰墨場，功名今日愧劉郎。英姿合上凌煙閣，巧譜曾遭偃月堂。雙槳又乘清夜去，一樽聊發少年狂。歸來却共燈花語，騎省看成滿鏡霜。

漫興

晨起翛然曳杖行，一簾疎雨作秋清。老來歲月能多少，看得栽花結子成。燕子年年入戶飛，向人無是亦無非。來春強健還相見，送汝將雛又一歸。

北窻

睡起無一事，怡然盼庭柯。綠陰微缺處，最得南廳多。

巴酉亂後寄常州使君姪

汾水遊仍遠，瑤池宴未歸。航遷新廟主，矢及近臣衣。馬
窺天塹，邊烽斷日畿。百年遠海地，回首忽成非。

古鏡行

我有辟邪鏡，得之咸陽宮。其陰爲天池，一母將九龍。旁書
負圖字，土蝕如旋蟲。緘以駁雞珍，妙極倕之工。請言照遠
近，十里秋毫空。豈不鑒脂澤，所貴肝膽通。問誰爲此器，太
古非人功。客間重歎息，意欲窺靈蹤。高臺不辭倚，恐客難
稱容。繩窮匣半啓，四室來悲風。且車當書留，羞澁如頑銅。
森然髮上指，凜若臨霜鋒。我還撫客手，此豈世寶同。揮淚
兩無言，掩鏡鞶囊中。

蔡天任韻

脩廊過午夕，陰合蝴蝶滿。庭春草長，呼兒更捲簾。數尺要
放晚晴，升屋梁。

香溪集鈔

四五

范浚字茂明，婺之蘭江人。紹興中舉賢良方正，昆弟多居廡，仕竟以秦檜當國，抗節不起，隱於香溪。因稱香溪先生，著書明道多本於經學。朱子取其心箴於孟子集註中，繇是重於儒林。金仁山謂其集近亡，此本為其從子元卿所輯，而陳巖肖弁序者為香溪集。

雜興五首

雉驕有擅澤，雞雄亦專栖。乘人肆桀傲，未異雉與雞。虛張盡客氣，不知墮危機。雉驕或登俎，雞雄亦為犧。嗟爾桀傲子，不戒將安之。

荆梟昔見惡，去楚將巢吳。妖音不知革，吳豈荆人殊。梟能戒頰舌，勿復輕嗚呼。雖荆亦容爾，何必他邦居。

高蟬蔭嘉木。未省蟪蛄危。勇蟲亦何愚。不顧黃雀飢。癡癡挾彈子。已復露霑衣。世事無不然。古今同一悲。鵲噪得歡喜。烏鳴得憎嘆。烏鵲自有口。噪鳴何預人。烏飛聲啞啞。鵲飛聲嘖嘖。凡鳥從紛紛。未用置肝鬲。彭亨著冠豬。踉蹌上車鶴。皇家一清明。此輩東高閣。龍夔雜鷓鴣。庶位已參錯。少安真可待。四海得耕鑿。我亦幸豐年。從容一丘壑。

題八馬圖

何年畫工搦毛錐。貌此八馬姿權奇。青絲絡頭十二蹄。調柔意態行愉怡。五馬放浪無維羈。或齧或望仍迴嘶。一牧牽鞵一牧騎。製度髣髴唐巾衣。不知此馬生何時。昔周穆王遠遊嬉。駕跨八駿驅東西。高升崑崙躡瑤池。騶駼驥義勞飛馳。日走萬里無停騑。興元唐家危累基。百粵僅脫朱泚圍。黃屋進狩懷光追。八馬入谷七馬疲。筋攣肉綻行人悲。兩者資世皆顛贏。虛名何有千載垂。空得傳記流歌詩。未知此馬閒猶夷。牧堦不受鞭笞威。不踏險遠安無危。泉甘草薦足自肥。安用號駿稱雲騅。嗟哉畫意誰能知。

送春曲

春光春光勸汝一杯酒。我能爲春作高歌。未解春能聽歌否。春歸有底急。落盡桃花紅。園溪漠漠野陰靜。兔葵燕麥空搖風。風光幾何時。背我忽如客。殘絲欲斷感春心。語燕勞勞上簾額。我有惜芳意。一春憐物華。春來雪裏索梅笑。春去悵望飛楊花。春歸知復來。奈此斷年別。搖楊三月暮。天愁鵝鳩一聲芳草歌。歌竟我亦醉。一棹觥船空。明年待

香溪集錄
春花樹下放歌擎酒相迎逢。

同伯通端杲姪效廬全體

一春癡癖門長扃。兩耳不聞鸚鵡聲。不知東南風掃盡紅
紫英。行行點檢桃李徑。但見樹子青冥冥。門前水流渠。照
灼須眉清。科斗遊其間。脚股各已生。渠旁草鬱鬱。草底蚯
蚓鳴。韻如抽繭絲。幽咽得我聽。念此瑣細物。隨時變音形。
黃河赤鯉或點額。老驥塞默長羈纓。嗟嗟世路真難行。

六笑

我笑支道林。遠移買山書。巢由古達士。不聞買山居。我笑
賀知章。欲乞鑑湖水。嚴陵釣清江。何曾問天子。我笑陶靖
節。自祭真忘情。胡爲托青島。乃欲長年齡。我笑王無功。琴
外無所欲。當其戀五斗。乃獨不知足。我笑杜子美。夙昔具

扁舟。老大意轉拙。欲伴習池遊。我笑韓退之。不取萬乘相。
三黜竟不去。觸事得讒謗。客言莫謾笑。古人笑人未必不
受嗔。螳螂襲蟬雀在後。只恐有人還笑君。迴頭生愧不能
語。嘲評去聲從今吞不吐。譽堯非桀亦何爲。訕周譏禹終無
取。

讀楊子雲傳

老不曉事楊子雲。綴文譏訶堅逐貧。班生曲筆甚假借。謂
不戚戚元非真。草玄欲作後人計。投閣自迷身不利。王涯
筮中好其書。寧復逆知甘露事。蠅聲紫色欺昏童。義士遠
引如冥鴻。胡爲顛眩尚執戟。美新屈首稱臣雄。嶧山沃野
蹲鴟大。拓落不歸良已過。近危竟似井眉瓶。虛作反騷嗤
楚些。詭情懷祿遭嘲評。但用筆墨垂聲名。文章要亦千古

事久矣。法言今正行。

讀王建射虎行

我讀射虎行。感慨興長歎。官差射虎得虎難。山下遠立常空還。惜留猛虎著山裏。射殺顧恐終身閒。有如邊將圖偷安。遵養時晦容其姦。翻愁努力盡高鳥。良弓挂壁無由彎。君不見劉臣容高千里。留賊自資媒富貴。恐賊盡誅身不利。坐令屈律裹頭人。橫暴九州狂螫噬。嗟嗟忠臣心不移。受刀摩頸甘如飴。紛紛血刃勇不顧。一死未謝君王知。官軍壯志吞賊在。歸無期。霍公裴公今已矣。我吟射虎徒歔歔。

理喻

郵亭羈客寒無氈。夜懷家山情惘然。燈前坐感雨蕭瑟。浩歎達曉愁無眠。鄰翁不出蓬茨裏。聽雨聽風心似水。黃昏鼻息已雷鳴。往往簷喧不經耳。愁霖一種聲紛紛。鄰翁不聞羈客聞。是中轉物有妙理。起予暗契漆園旨。

凌霄花

栽松待成陰。種漆擬作器。人皆笑艱拙。往往後得利。君看植凌霄。百尺蔓柔翠。新花鬱煌煌。照日吐妍媚。風霜忽搖落。大木亦彫瘁。視爾託根生。枯莖無殘蒂。先榮疾蕭瑟。物理固難恃。凌霄亟芳華。衰歇亦容易。

寄題鄭亨仲可友亭

鄭君坐交窮。結柳窮不去。無朋長獨立。老大荒村住。荒村掃人迹。取友惟西山。當應愛山標。可望不可攀。牽蘿架風亭。截薛揖高調。修簷入危碧。阮眼坐相照。嗟今輕薄子。對

面生九疑寧如友真山貞質終無移憐君意超超愧我勞
勿勿未其結交心漫負心脾骨

暮春病起絕句

老去長閒百不營推書習靜更真清西窓日脚籬籬動時
有飛蟲撲紙聲

浦江華藏寺如勝上人欲募施者開田佐僧供以長

老皎公書來求予詩作二十韻奉勉

浮圖謝朋親屏跡藏岩幽多規脫徭賦豈必皆禪流自言
佛遺經墾土爲愆尤不耕徒穀腹何異鼠雀偷告之勿浮
食當須力鋤耰前修舉歛事千載垂風猷奈何啞羊僧百
語不領頭皎公老禪伯雅慕吾孔周其徒有如勝用意非
常儔欲開千畦田更辦兩具牛率彼枯木衆躬耕食其秋
釋門有添丁乃翁坐無憂與國助耘耔疲毗庶其瘳此志
良足嘉感之歎綢繆昔聞白黑衆十萬俱清修鳩金置千
畝給供無時休于今豈無人勝也當尋求長途觸隆冬一
衲寒颼颼朱門立雪久歡喜無生愁作詩勸勇往以俟歲
晚收

三月廿六日夜同端臣端杲姪觀異書効李長吉體
楊花亂落青春暮燕拂簾旌傍人語縹壺買酒洗春愁迴
風落日簷花舞赫蹠斷爛千載書青燈照字驚蟬魚冬烘
老生時自哂安用盤盂學田蚡

狂泉

昔有大荒國水以狂泉名國人皆飲泉狂顛率無寧一者
自穿汲乃獨能常醒國人旣皆狂反見不狂顧謂不狂

人無乃鬼物。憑不然是狂疾。救療當痊輕。施針灼炷艾。膚肉無全平。而彼不狂者。被虐楚不勝。賁然走泉所。酌飲不敢停。既飲卽亦狂。萬慮皆迷冥。其狂與衆一。衆始歡相傾。世事今亦然。嗟哉感詩鳴。安得跨鵬背。獨往遊天溟。寄謝彼狂子。酌泉吾不能。

次韻茂永兄首夏新晴

燕落雨知節。鳩鳴天欲晴。行雲飛斷碧。斜日漏微明。筍上竹三徑。苗肥田一成。野人知得飽。索酒坐班荆。

頌茂安兄秀野亭

山作屏風雲作籬。峩亭子俯漣漪。絕知此地風光好。直爲主人心跡奇。側寒亂花紅被徑。檀藥高竹翠緣陂。惠連自喜陪幽賞。却歸時倒接籬。

歲暮喜晴

晴山喜見曉噴。笑出蓬門不暇冠。風掃斷雲齊萬弩。日融殘雪上三竿。早黃楊柳漏春信。晚翠枇杷凌歲寒。從此林芳入幽賞。凍醪新壓味甘酸。

課畦丁灌園

連筒隔竹度流泉。約束畦丁灌小園。拔薤自須還種白。刈葵輒莫苦傷根。瓜疇准擬狸頭大。草徑隄防馬齒繁。努力荷鋤當給酒。無令菜把乏朝昏。

春雪晚晴出西村

步履尋春犯雪泥。村南村北鶉鳩啼。墮梅殘白猶明樹。着柳暗黃初映堤。風景快晴雲擘絮。江天未暮日懸規。最憐碧漲侵沙尾。更傍橫橋一杖藜。

送周西美主簿之任祁門

君向祁山去。修程幾日期。江天梅子雨。驛路橘花時。知迫循陔養。寧辭糾邑甲。美才無不適。鸞翮豈棲遲。

次韻端臣姪七夕

萬古東西隔女牛。停梭期會豈悠悠。蝦蟆輪破青天暮。烏鵲橋橫碧漢秋。莫放癡兒懽徹曙。且容老子強登樓。舉瓢更取天漿酌。一洗胸中萬斛愁。

張生夜載酒相過

夜卷一鈎簾。衣寒覺露霏。未驚風割面。且看月磨鎌。玉椀鵝兒酒。花紈虎子鹽。張公雞黍舊。歡笑了無嫌。

屏山集鈔

四六

劉子翬字彥沖。以父幹任授承務郎。辟幕屬。幹死。靖康之難。子翬痛憤。哀毀。服除。通判興化軍事。以羸疾丐祠。歸隱屏山。學者稱屏山先生。而自號病翁。與籍溪胡原仲。白水劉致中。為道義交。所學深遠。朱子受遺命往遊。其門子翬告以易不遠復三言。俾佩之終身。一日感微疾。即謁廟訣別家人。與朱子言入道次第。而歿。詩與曾茶山。韓子蒼。呂居仁。相往還。故所請殊高。五言幽淡。卓鍊及陶謝之勝。而無康樂繁縟細澁之態。則以其用經學不同所得之理異也。

涼月

涼月未出山。浮雲半空白。徘徊步軒窗。宛若待佳客。經林

漏飛輝映淑生華澤及茲秋景清吾廬更幽寂殊觀發秘
藏妙聽生寥閭營營息初機炯炯懷新得豈無平生心所
樂已非昔天旋河漢動夜久鄰機息嗚嗚感庭蘭歲莫霜
霰集呼兒溫濁醪獨酌醉永夕

渡淮

鳴鼙渡長淮霏煙散清晨皎皎初日光照耀草木新橫林
渡餘碧疊嶂開嶙峋移橈失向背煙波浩無垠兒童相懼
歌余心亦欣欣輕帆互相踰畫鷁映流津徘徊望洲渚悠
然獨懷人樵漁有棲遯寂寞誰問鄰暮風翻洪濤魚蝦亦
有神四顧天地黑孤舟恐漂淪

阻風

晚歲多悲風江湖浪呼嘯扁舟渺無依日暮猶孤征重岡
擁滯霧迴隰飄浮雲繫舟古岸邊纜斷舟復橫天寒鴻雁
稀滯留知旅情頽崖震林谷客子心夜驚披衣待清曉缺
月西南明遠遊多所懷益遣歸思盈

建康六感

吳

龍翔大耳兒虎視捉刀人風雲競追逐逸軌誰能遵大皇
負英林沈潛欵求伸一呼定南國再戰威強鄰坑魏旣搖
岳攘劉亦披鱗組練繞平隰艫蔽通津偉哉人物盛成
功豈無因代祀已飄忽風流久彌新亭撓眺迴陸裂蔓登
層闔卧龍昔來遊萬古懷清塵

晉

日晏無全照南遷事倉忙龍謠方協瑞星禍已告亡凌遲

百年運。凜凜危莫將。向來問鼎人。頭背常相望。環宮白羽
列。面闕鳴弦張。膺圖未躋泰。卜世豈在長。獨憐短轅公。推
刃殺忠良。百身嗟莫贖。一慟鬢成蒼。時移事亦更。爲宋復
爲梁。惟有采石潮。年年到前岡。

宋

寄奴真偉人。落拓龍潛地。據筵呼五木。已有吞世氣。世期
值陽九。天綱日淪替。偏邦或跨州。卑號猶稱帝。匪乘艱棘
運。英姿疇能滅。南戡莫番出。西狩澄涇渭。功雖與世隆。道
亦因人廢。緬懷揖讓風。黃屋身如寄。頽波日奔馳。夜壑遷
神器。巢由獨賢哉。高蹤邈難繼。

齊

堯宮不剪茨。禹室無崇壤。巍巍天步降。萬代猶可仰。荒哉

二三君。經營務華敞。落梯滿清江。飛斤殷遙響。疏淵引瀾
澳。築圃遷林莽。筋力斃民軀。貲財傾國帑。雄心獨未倦。矯
首生遐想。時徂陵谷變。無事猶悲曩。殷憂易興懷。逸樂難
終享。過客問青樓。荒畦棘一作花長。

梁

開圖屬英睿。失國由昏悞。斯人異前修。撥亂旋致亂。輕刑
下益肆。厚爵臣彌叛。聰明馳萬機。精苦徒宵旰。鳳冕敬方
袍。鸞旗游彼岸。悠然弃從懷。臨機復難斷。那知千佛力。不
紆一寇難。酒色覆商周。神仙蕩秦漢。趨亡固多軌。荒迷卒
同貫。微聖常鮮終。撫冊三慨嘆。

陳

悲風嘯荒垣。歌斷庭花曲。璧月夜沉輝。瓊樹春銷馥。郊圻

遊從盛。想像猶經目。麗景明新妝。清波映鮮服。承恩屬令
姿。被選皆華族。朝從結綺遊。暮向臨春宿。意高時忽謝。步
遠塗方促。榮華事不長。哀樂情難足。悠悠六朝事。轉盼風
驚燭。永懷興亡端。斯文慚麗縛。

夜飲

良宵樂未央。促席團欒坐。佳人意慇懃。唱歌屬余和。幽期
貴濶略。醉語多叢勝。沉沉玉卮酒。量淺難負荷。豈不懷極
懽。恐重賓友過。褰帷望明河。山月銜半破。回軒互追奔。
傘拂簷瓦墮。

遊朱劬家園

晨暉麗丹楹。翼翼侔帝居。向來堂上人。零落煙海隅。聯翩
際時會。振迹皆用餘。闔帷尚帝主。阜隸乘軒車。流威被東
南。生殺在指呼。樓船載花石。里巷無袴襦。至今江左地。風
雲亦嗟吁。叨榮已過量。受禍如償逋。荒涼當門路。尚想冠
蓋趨。客舸維岸柳。隣人曾池魚。徘徊極幽樾。曲折迷歸途。
夜月扃綺戶。春風散羅裾。繁華能幾時。喪亂實感予。曹鄴
子何譏。此曹真人奴。

早行

村鷄已報晨。曉月漸無色。行人馬上去。殘燈照空驛。

老農

山前有老農。給我薪水役。得錢徑沽酒。醉卧山日夕。忘形
與之語。妙理時見益。志士多隱淪。欲學慚未識。

種菜

傍舍植柔蔬。攜鋤理荒穢。桔槔勤俯仰。一雨功百倍。朝來

綠映土。新葉搖肺肺。牛羊勿踐畦。肉食屠爾輩。

晨興

晨興訪蕭寺。爽氣清如沐。坐看雨離山。飛陰斷平陸。歸途阻夕漲。竚立驚幽獨。曳杖聽殘鐘。卻寄僧坊宿。

下灘作

青山鎖連環。白澗走鳴瀨。迷津毫髮間。舟與危石會。回淵聚浮沫。斷壁餘澎湃。玩奇心若驚。覽鏡自不逮。悠然一回首。孤驛已蒞昧。停橈念經歷。履地猶旋慣。悲風嘯枯林。暮野雲相蓋。隔船聞和歌。沽酒慰疲怠。

棄竹夫人

愛憎情易遷。感物息鬱紆。念昔未棄時。嘗侍君子居。頰襟一披豁。雅抱何清虛。蹉跎怨時暮。涼德竟見疎。飛霜皓中庭。枵然委牆隅。的皪珠幃深。熒煌錦茵鋪。豈不懷舊恩。若

心已非初。當年紈扇謠。抱恨同區區。

秋懷

哲人嘆逝川。志士悲廩秋。流光不暫停。忽忽歲欲周。涼颼襲迥野。飛霜皓盈疇。華林失鮮輝。奔谿殺湍流。萬化儻日徂。吾生難獨留。而我苦不樂。彷徨復何求。世途多軌轍。今行非昔謀。徒遵耿耿意。齟齬固莫投。時乎不再來。豈余敢懷尤。王道炳日星。歷聘疲軻丘。歸歟既改旃。浩然亦回輒。寂寞甯子歌。棲遲長卿遊。客嘲徒自解。天問終不酬。長揖未免烹。說難竟遭囚。行藏或大謬。聖賢其悠悠。含息疚恒積。念往川途脩。煌煌青春姿。蹉跎恐茲由。諒非宏達觀。那能齊百憂。

四不忍

草邊飛騎如煙滅。拉獸摧斑食其血。此時疾首念鑿與玉。體能勝飢渴無危城。屑翹驚雲擾簾簾無光天。座杳奮戈。儻未雪溪警。我食雖甘何忍飽。

黃河鑿鑿冰成路。人語寒空氣成霧。此時泣血念鑿與玉。體能勝凜冽無蒼皇。天步蒙塵去。盡袞飄零傷歲暮。飛書。儻未伐姦謀。我服雖華何忍御。

平沙月轉旌旗影。擐甲為衾戈作枕。此時飲恨念鑿與玉。體能勝暴露無問安。使者空相繼。清蹕不回宮殿閉。請纓。儻未縛。渠我榻雖安何忍寐。

漁陽叠鼓風沙戰。潑水淋漓舞胡旋。此時太息念鑿與玉。體能勝寂寞無六宮。遭亂多奔迸。不復梨園歌舞盛。著鞭。儻未蹂龍庭。我瑟雖調何忍聽。

望京謠

雙鑿北狩淹歸轂。寂寞梁園春草綠。猶傳故老守孤城。官軍不到黃河曲。連雲樓櫓已灰燼。更倚窓扉防箭鏃。招兵。大半出羣盜。綉褊蒙衣屢翻覆。前宗後社力誅鉏。白刃如霜挂人肉。州橋燈火夜無光。夾道狐狸晝相逐。往時汴泗絕行舟。市糶十千塵滿斛。衣冠避。多在南。馬却食江。南粟。謀臣武士力俱困。海角飄搖轉黃屋。盤庚五遷方擇。利。昆陽一戰何當卜。寧聞。亂中華。漢祚承天終必復。夕烽明處望千門。孤臣祇欲吞聲哭。

臨池歌

劉致息倦遊。復卧故廬。有意學書。來求石刻。因慨然念

昔經行秦洛趙魏間未嘗不回驂駐軫搜訪古迹故宮
遺址豐碑斷碣歷歷相望也吹埃剔蘚考年代之序志
訂古驗今識興衰之所自至乃壞壠荒榛微陽霧雨雖
暴露霜沐僮僕色難而余躊躇不忍去也奇蹤偉筆多
致墨本甚者缺裂模糊不可辨了亦皆摸脫以歸登登
之聲殷乎山谷歸所獲車載牛負不可勝計喪亂以
來汎掃焚何止七厄哉今披篋視之十得一二有副
本者以與致思致思明爽嘗留心字學運筆流快風
動草偃固足以軒輊流輩然未能窺古人藩域者功虧
一簣耳夫洞石什木非厥張挽強者所能用志不分乃
凝於神梓慶削鐻疴癘承蜩皆此道也致思充是而學
焉余不知其所至矣因作臨池歌以堅其志切切惇惇

亦朋友之義也

君不見鍾繇學書夜不眠以指畫字衣皆穿當時尺牘來
鄴下錦標玉軸爭流傳又不見魯公得法屋漏雨意象咄
咄凌千古斷碑零落翠苔封直氣英風猶可觀元常獨步
黃初際清臣後出今無繼風神迥處出一作本天資巧力亦
自精勤至羨君好尚何高奇寒窗弄筆手生胝向來失計
墮塵網銳氣直欲摩雲飛男兒舌在心何忤卻擬臨池尋
舊學要須筆外見鍾顏會自蛟龍生掌握銀鈎石刻余何
愛勸以短歌君勿怠他時八體妙有餘此歌儻可君紳書

和李吳伯春懷

山寒古寺清斷續春朝雨遙憐遠客情寂寞誰晤語平生
氣軒昂失意今易與有酒卽佳晨無兵皆樂土微吟對節

物林靜幽花吐悠悠念鄉邑耿耿悲豺虎知有濟時才從
橫在談塵功名恐未遲老翻期更舉

明皇九馬圖

書生兀兀園不窺見馬豈辨騮與騅開圖九駿立突兀摸
捺知是真龍兒奔雷蹴踏原野動曳練慘錯風沙隨華纓
金絡豈不好矯首奮迅那容羈吾聞取驥如擇士競愛安
帖驚權奇士懷倜儻衆論斥馬有顛顛羣鴛欺六閑豢養
固恩厚橫氣摧折常嗚悲丹青儻不逢妙手萬世豈識真
龍姿因息中原政格鬪鐵騎倏忽銀山移著鞭安得致此
物掩畫四顧徒歎歎

怨女曲

空原悲風吹苜蓿

飲馬桑乾曲誰家女子在羶城嗚

嗚夜看星河黃金爲閨玉爲宇平生不出入稀覩父憐
母惜呼小名釋對華門未輕許干戈漂蕩身如寄綠鬢朱
顏反爲累朝從獵騎草邊遊暮逐王沙上醉西鄰小姑
亦被貧賤息家心更苦身只有嫁時衣生死同爲泉
下土出門有路歸無期不歸長愁歸亦悲女身軟弱難自
主壯士從姑不如女

巡寨偶書

窮寇轉趨海吾邦備宜先連年戍役頻徵兵及漁佃扶戈
或穉齒嬰冑仍華顛未知戎伍肅朱旗亂長阡林端晚燧
發石際飛梯懸崎嶇樵牧地萬竈生浮烟我行視營柵兒
戲端可憐倚茲形勢險寇至常遷延羣兇昔吾軍赤指抨
鳴弦防屢瓦解合寇俄星連猶多燕趙兒意氣非當年

駢車載珍寶。結騎馳嬋娟。時危天稔亂。事豈汝能專。怒風
飛驚濤。河梁失歸船。四顧天地黑。攬衣思莽然。

負暄

宵寒卧增禡。晝寒起增衣。何如負暄樂。高堂日暉暉。引光
扉盡闢。追影榻屢移。妙趣久乃酣。瞑目潛自知。初如擁紅
爐。凍粟消頑肌。漸如飲醇醪。暖力中融怡。欠伸百骸舒。爬
搔隨意爲。稍回騎佚氣。頓改酸寒姿。薰然沐慈仁。天恩豈
余私。願披橫空雲。四海同熙熙。矯首望扶桑。傾心效園葵。

木犀古風

化工吝幽香。斑斑被花木。氤氳寒巖桂。高韻蓋羣馥。無人
盡日芳。守志何幽獨。士介耻求知。女貞慙自鬻。淒涼楚山
秋。樛枝吐金粟。淺水映輕明。微颺發含蓄。樓端靜忽聞。馬

上遥相逐。踟躕爲延佇。但見林巒綠。鉅罌誰折贈。清芬闕
廬屋。久處不自知。乍至彌鬱郁。客悲芳歲暮。夢遶寒溪曲。
長吟小古詞。古意恐難復。

食蠟房

蠟房生海壖。堅頑宛如石。其中儲可欲。雖固必生隙。嵌巖
各包藏。礧礧相附積。中途霹靂手。妙若啓扇鑷。鑽灼諒難
堪。曷不吐餘瀝。南庖富腥盤。豈惟此稱特。吞航大絕倫。梯
巒萬夫食。針鱗九牛毛。小嚼逾千百。光螺暈紫斑。蠟膏湛
金色。水母脆鳴牙。章舉懸疣密。烏黏力排募。貼石不可索。
妾魚戲浮波。媚鮪雌雄匹。蟹燥輒橫鶩。鼈縮常畏出。車螯
不服箱。馬鮫非駿迹。江瑤貴一柱。嗟豈棟梁質。骨柔競愛
饒。多鯁鱗乃斥。蚶虹鮓赤文。肉黑魚之賊。鯨鱮鯉鯪。鱧

鮪鯨魴鯉。鱸庸而魴小。瑣冗難盡述。包涵知海量。長養荷天德。貪生族類繁。失地波濤窄。網罟人割禍。甘鮮已爲厄。紛然均可口。流品當剔白。微物倘見知。捐軀不足惜。

諭俗十二首

故園喪亂餘。歸來復何有。鄰人雖喜在。憂悴成老叟。爲言寇來時。白刃穿田畝。驚忙不知路。夜踏人屍走。屋廬成飛煙。囊橐無暇取。匹夫快恩讐。王法誰爲守。艱難歷冬夏。遷徙徧林藪。深虞邏寇知。見啼扼其口。樹皮爲衣裳。樹根作糧糗。還家生理盡。黑瘦面如狗。語翁翁勿悲。禍福較長久。東家紅巾郎。長大好身首。荒荒死戰場。頭白骨先朽。西村人漸歸。撐拄燒殘屋。東村但蒿萊。死者無人哭。昔茲號富穰。被禍尤殘酷。二三里中豪。喪亂身爲僇。遺骸悵莫

掩。飢萬啄其腹。豈無平生時。意氣凌鄉曲。錐刀剝微利。舞智欺惇獨。錦囊收地券。奕葉相傳續。只今鄰叟耕。歲歲輸官穀。爾曹何穎愚。人生固多欲。

何州無戰爭。閩粵禍未銷。或言殺子因。厲氣由此招。蠻貊地瘠狹。世業患不饒。生女奩分貲。生男野分苗。往往衣冠門。繼嗣無鬢髮。前知飲啄定。妄以人力僥。三綱旣自絕。餘澤豈更遙。王化久淘漉。刑章亦昭昭。那無舐犢慈。恩勤愧鷓鴣。冤報且勿論。茲義古所標。

愚氓擾潢池。艱難亦常態。簪紳有包藏。事異吁可怪。豺聲久伺亂。鯨戮終何悔。游言張兇焰。巧謀移機會。初如卵殼微。跣踐悉糜碎。養成羽翮雄。飛掣構繩外。翦鉏淹歲月。螫毒彌疆界。向來詰端由。罪白不容蓋。南冠囚載路。東市誅

其最隆寬俗與新僥倖汝勿再

野人厭羹藜家有庖丁乃徒誇批導手官念耕稼勞隱然
肉山雄畏彼尺箠操春泥卧寒野夜月犁東臯辛勤力已
盡穀棘禍豈逃誰無惻隱心鮮能勝貪饕蓋帽猶示恩况
異犬馬曹

扇馬嚴內仗貂璫侍宸闈哀哉里閭間刁闖逮雞豚放麋
識忠蓋毋卵著格言矧利肥甘軀絕其孳息源難銷愛欲
心物物天性存逆情氣必戾順化生乃蕃誰開口腹謀無
乃傷仁恩

粵人多悍驕風聲亦惟舊兒童僅勝衣挾箠相格鬪藝精
氣益橫質化心忘陋家饒喜稱俠世亂甘爲寇豈伊天性
然習俗所成就吾聞互鄉童翱翔聖賢間隱豹美爛斑攻

駒發馳驟佩觿爾何知義方得無謬

村南井欲乾曉汲盈瓢濁飲濁不足言奈此田畝涸啾啾
龍骨響煥爛陽鳥虐良農無他營辛苦事東作春苗何慈
芊秋刈何稀薄我雖食有餘念彼心不樂乞靈走羣祀晚
電明霍霍屯膏竟未施天意自難度

震雷霹枯松頑龍失其據浮雲三日雨盈畝復地注商羊
舞未休旱魃消何遽稍寬人心切仰荷天恩布稻畦裏連
顛按穗給朝飯菜畦擢新萌蕩滌死羣蠹歲儉民怨咨時
豐家悅豫青青寒莠色亦復貪雨露

茲鄉山水佳昔乃爲盜窟吾廬已煨燼荒草牆兀兀牆東
大梨樹惟此爲舊物火燒枝葉盡老本更奇崛衆鳥罷高
棲空庭失清樾鄰兒利薪爨往往肆伐伐豈知昂霄勢長

養自毫末寒堤孤碓在廢圃鳴泉出衝茅且經營霜霰莫
倉猝

未須葺吾廬且復修吾倉求安當卜居求飽當聚糧營生
力有限先此計頗長去年稻盈畦避寇不得將新芽雨後
白卧穗霜中黃鰥惇有飢色寇釁餘稻梁解衣易升斗糠
粃隨風揚休嗟昔艱難喜茲歲豐穰鄰翁爲人耕貯粟不
盈箱溪頭廩與困纍纍已相望

縣牆挂德音盡弛今年租旄倪發懽譁助達和氣舒皇恩
施甚厚疲瘵望少蘇吁嗟吏舞文詔紙墨未渝借貸盡白
著勾稽窮宿逋培克儻歸公民貧猶樂輸量權徵倍耗貧
緣竊其餘寧逢盜剽攘厭聞吏追呼盜姦久必戢吏姦無
由鉏雷霆不言威肉食忍自誣故態勿狃習窮閭勿侵漁
勿謂天聽高勿謂黔首愚

清江行

漁翁一棹老清波稚子學語能漁歌日暮沙頭寒燕竹雨
餘船角亂堆蓑驚殘小鮮仍自鱸湖海茫茫醉鄉內夜闌
酒渴漱寒流月照蘆花上蓬背

聽詹温之彈琴歌

鳴琴藝精非小道可惜温之今已老玲琅一鼓萬象春鐵
面霜髯不枯槁自言寡知音求我爲作歌號宮韻角可聽
不可狀錦腸綉舌空吟哦吾意其一氣之濁清兩曜之晦
明山河之結融雷霆風雨之震驚包羅具七絃開闢造化
由人心又疑夫堯禹之躬行丘軻之立言瞿聃之同歸百
家諸子之紛然更歷千萬古此意不滅絲桐間滌除浮慮

清蕩摩愁襟。開琴之氣象。廣莫有如此。欲媚俗耳知難哉。
寒缸燒酒夜向闌。罷琴歸矣我欲眠。夢跨水輪出瑤海。一
笑碌碌瀛洲僊。

雲際會劉到致中

紅綃千樹桃。雪縠萬株李。柘葉青青如鼠耳。橫山渡口浪
成堆。認得劉郎船子來。物情時事不須說。且喜新歲同銜
杯。少年鼻哂輕流俗。斂銳收豪今碌碌。敝裘常帶客塵緇。
雙鬢不如春草綠。東風吹愁入我心。使成嘯嘆成悲吟。問
君底事久留此。曷不聯鑣歸故林。

懷舊歌

黃芽生烟暗村落。浩歌無復當時樂。鄰家酒熟逆鼻香。一
醉乾坤墮冥漠。尋芳屢過垂玉軒。叉魚夜上浮清閣。關牌
擊鼓多伎倆。我獨旁觀惟大噓。驚烽入座懼難保。幸得身
存他勿道。吾宗潛武卧空棺。衮臣兄弟埋荒草。當時醉舞
向花下。綠鬢朱顏各鮮好。墮駒風燭尚須臾。數子凋零不
待老。死生細事從渠天。莫學兒女相哀憐。一窓客膝可終
隱。寇盜擾擾今連年。王師誅鉏有漏網。死灰焰焰猶息然。
憂煎過計祇自惱。且但努力耕吾田。

夜過王勉仲家宿酒數行爲作此歌

遙林帶雪迷村曠。伶俜一馬行無伴。故人家住丁坂頭。停
驂邂逅成清款。犯寒知我猶空腹。地爐然薪架紅玉。花瓷
湯酒欲生香。竹外庖厨聞剝肉。夫君不有中饋賢。咄咄辨
此何神速。酒酣意氣悲荆棘。尚憶朱薨舊時宅。豺狼得志
竟何成。至今人骨如霜白。亂離少有闔門存。漂蕩俄驚五

年隔數畝荒田已失耕。一間茅屋仍畱客。客情主意懼難
盡。短臘窮冬春欲近。明朝分手更愁人。且覆清觴莫留臆。

夏日吟

君不見長安公侯家。六月不知暑。扇車起長風。冰檻灑寒
雨。重欄邃屋畫生陰。反易天時在談吐。又不見武陵富豪
兒。炎天多快意。雪穀曳輕明。珍槃嚼甘脆。蛾眉皓齒發清
歌。灑酒筠枝集蠅蚋。何如野客歌滄浪。萬事不理心清涼。
流金礫石未爲苦。勢利如火焚中腸。

海棠洲

煌煌海棠洲。錦樹臨清灣。常恨灣頭風吹花。走潺湲。潺湲
去不息。花亦無由還。

懷新言

茅簷入竹低。曠野時寓目。寂寂農家春。新秧滿田綠。何時
稻登場。秋山響蓬樸。

宴坐巖

青青樵樹林。下陰蒼蘚石。幽人宴坐時。懷抱忘其適。不見
暮樵歸。寒山雨中碧。

南溪

聊爲溪上遊。一步一回顧。悠悠出山水。浩浩無停注。惟有
舊溪聲。萬古流不去。

兼道攜古墨來。墨面龍紋。墨背識云保。太九年奉勅
造。長春殿供御。龍印香煤。旁又識云墨務官臣庭
邾。監官臣夷中。臣子和。臣卞等進。蓋江南李氏物
也。感之爲作此詩。

長春殿古生荆菅。猶有前朝遺物在。錦囊珍重出玄圭。雙
虬刻作蜿蜒態。枯皮剝製弄幾刻。斷珉精堅磨不殺。吾聞
李氏據江左。文采風流高一代。當時好玩不獨此。器用往
往窮奢汰。徵工選技填御府。不惜千金爲賞賚。治兵唐推
英衛精。治民漢許龔。黃最惜哉。取士不知術。妙手獨得庭
邽輩。真主驅馳八極中。荒王逸樂孤城內。汗青得失更誰
論。尤物競爲人寶愛。嗟余視此真糞土。事有至微猶足戒。
投文欲往吊江流。幽魂未泯應慚悔。

劉兼道獵

劉兼道好獵。親馳逐。指呼雙犬如奴僕。朝衝唐石亂雲來。暮
聽潭溪流水宿。何如著鞭走大梁。我亦與子同翱翔。今年
獵叛醢彭越。明年獵肥德光。

觀二劉題壁

溫其題詩新歷寺。落筆風雨驚長林。眼高一世常欲罵。想
見掀髯坐巖陰。致中題詩新興寺。壞壁歲久莓苔侵。山僧
好事亦可喜。解誦鳥啼春意淺。我來經覽渾如昨。玉友金
昆念離索。投林倦翼不同棲。况復分飛在廖廓。故山終勝
他山好。新交不如舊交樂。何況把酒問鷗盟。卧聽松風同
一豁。

攜筇

晨起偶無事。攜筇出潭川。翩翩雙鳧飛。宛若導我前。林靜
滴殘雨。村深澹寒烟。當春足膏澤。俯夏餘清妍。野溜綠交
貫。山花紅接連。雄觀發新奇。勝地窮攀緣。據石弄驚急。班
荆蔭連卷。幽懷脫塵拘。如超混茫先。向令作興來。未必勝

偶然榮觀事多乖。內取樂乃全。他時誰繼遊。此意遙相傳。

橫秋閣

秋山萬尺青。影落杯酒中。登臨豈不佳。寒色見遠空。未忘天下憂。塵起西風。

百花臺

森沈徑易迷。櫛筇爲徘徊。何處春光多。時登百花臺。主人澹無情。林花爲誰開。

清湖驟雨

快雨不相期。雲湖忽蕭颯。坐久日明簷。繁聲靜中滅。

寄彭子

凍岫立高白。曉寒生太虛。閉門翻巾幘。偶見良友書。書中有長句。別懷陳鬱紆。吐鳳詞旣絕。續貂理難如。起望新鄉

雲。一讀三卷舒。繁思攬中局。賴此豁欲無。鵠鷄有潛化。蓬麻豈資扶。吾人交義深。不恨相見疎。但恐德不脩。心期愧非初。

夜行潭溪。念仲原致中喬年茂元伯達皆有入山

期以詩趣之

長夏不見雨。袞暑故相病。及茲顛氣回。一夕飛灑併。攬衣步新涼。宇宙涵清潤。月離南山高。水循雙澗靜。流觀外旣洽。至樂中潛應。緬懷平生友。契濶時光運。石峰許尋盟。有約殊未定。事紛莽如塵。欲掃那得盡。年衰覺世浮。慮澹知心勝。良遊莫蹉跎。小暇卽乘興。

讀曾吉甫橫碧齋詩

攜鉏引荒泉。偶步松岡北。令然毛骨清。楚尾見秋色。稻氣

馥初涼。檉陰淡。微日。緬懷小齋居。橘檻增岑寂。曠度滅。知
聞微吟數峰碧。若人端好修。珍駕動無迹。深窮伊水源。峻
陟衡山極。終焉憩孔林。所樂惟自得。延和數酌醪。侑靜一
編易。向來辱傾輸。洞見胷中白。思親道匪伴。既遠情不懌。
矧余質冥頑。固未易刻畫。尊生有遐心。克已無全力。以茲
畏所知。負負常夕惕。餘波儻時漸。玉汝天其或。

同汪正夫行夫望鄱江

夜夢鄱江清曉。踏鄱陽縣雲濤。著眼新。還疑夢中見。寒聲
彭蠡合。凍色磨峰現。時方冬氣深。水縮川原變。連沙突堆
阜。派港分組練。蕭蕭蓬鬢風。瑟瑟葭叢霰。奇觀信幽絕。領
略殊未徧。何當烟艇高載。我行鏡面。二難今勝流。賓客移
清燕。飲酣生泰和。語妙融交戰。衰遲百不堪。一快天與便。

回筇晚霽中。路壓滄浪轉。波光似流人。隨裾蕩華綉。

呂居仁惠建昌紙被

寒聲晚移林。殘臘無幾日。高人擁楮眠。攀卷意自適。素風
含混沌。春煦回呼吸。餘溫偶見分。來自芝蘭室。乍舒魄流
輝。忽捲潮無迹。未能澡余心。愧此一衾白。嘗聞盱江藤。蒼
崖走虬屈。斬之霜露秋。漚以滄浪色。粉身從澣統。蛻骨齊
麗蜜。乃知瑩然姿。故自漸陶出。冷物猶貴精。治心豈宜逸。
平生感交遊。耳剽非無得。精神隨事分。內省殊未力。寸陰
拍已多。老矣將何及。自從得此衾。夢覺常惕惕。清如夷齊
鄰。粹若淵騫醜。獨警發鏗錡。邪息最毫忽。勿謂絕知聞。虛
闡百靈集。鼎鑪或存戒。韋弦亦規失。則知君子惠。所以勵
蒙塞。

雲巖竹源二禪俱與招客三月二十一日遂飯于竹源庵謀諸野則獲也劉奇仲有約不至吳周寶遊德華劉致中暨公望劉才仲陳聖叔某會焉從容辨論懷抱甚適因賦詩以紀之

雲巖市聲中竹源山色處平生幾兩屐惟樂取意去晨光霽老春飛蓋雙溪路沙平水漫流雲散天全露逶迤經淺坂窈窕穿崇樹綠登方怒舒紅竟忽繁雨斯焉得小休境熟來已屢徵君常主盟呼吸名勝聚子休心鐵石太叔語韶濩鼎鼎吳劉陣俱有不凡度余衰氣不華清遊慚輒與未渠推遠之政以枵然故九賓既雲集一士乃鴻翥毋多洞幽人蔬茗煩草具叢談雜莊謔泛聞披黃素豐鐫辨活筆始畫窮真數解衣半日許萬古懷霄滕西窗引虛明汎

灑延晚步。嬾身厭依隨。靜若超羈馭。博山真起予。浮煙一枝驚。

同范智聞五月十四日夜賞月

微風淨郊原。暮色含清夏。層巔月欲上。炯炯木葉鏘。豐姿一髮虧。爽氣千毫射。流光不著地。黃抹溪西舍。翩然釋嶠飛。雲浪鱗鱗化。常恐螺髻青。失此驪珠挂。借奇觀天所吝。老眼得屢借。不嫌神太清。跣立高梧下。故人宵留連。一笑偶良夜。濁醪勿虛杯。庭縞醉可藉。

宿省軒

夜空合一寂。擾擾息萬勞。幽懷耿不寐。孤燈側殘膏。稍知山雨來。聲在橫林高。凄然卻成夢。夢泛秋江濤。

過報德庵

循溪踏危石。路入貧簷塢。森森翠樞間。一幹橫清雨。茶煙
日月靜。不覺軒扉古。盡茲北山旁。小勝無遺取。

次韻茂園獨速歌

大兒行文學蘇黃。暗潮無聲走茫茫。小兒分題擬甫白。手
挾墓頤取水魄。自成機杼誰如君。悲歌乃有可憐色。曉來
春歸薺葉新。青女摧之良不仁。那知妙齡氣如許。一睨辟
易驚千人。我亦歸爲村衰翁。接花成條歛屋紅。跣行官追
蹀躞步。杯飲不羨琉璃鐘。相逢他事不發語。醉面徹日承
谿風。君不見豐碑模糊立峴首。又不見總帷虛對百眉侑。
何如吾儕見在身。有口猶堪著醇酎。陶陶兀兀未全非。赫
赫炎炎豈長有。硯峰絕頂撫孤松。伊誰及此蒼髯壽。
韓幹畫馬關四足。龍眠榻而全之。

吾聞兩臂天下重。馬失四蹄將底用。平生想似萬里逃。對
此惟心惻然動。得非曾落鴛鴦羣。踈脫泥塗良已勤。又疑
逸氣厭拘係。絕蹠徑欲超浮雲。諦觀事乃不爾劇。破練丹
青老無色。軒昂自有尊足存。顧盼一株陰山碧。韓生筆法
妙此圖。龍眠榻出了不殊。斷螯自昔徒聞說。續鳧雖上計
已疎。何如染作滄江遠。明滅要看追風蹴微雪。

寄魏元履

世情事虛文。十幅了一書。片言到肺腑。子獨不佞予。班班
眼中秀。學膽誰似渠。平生幾兩屨。踏破牛斗墟。小言謁侯
門。大言叫天都。歸來闕存室。默坐追亡逋。牀頭著草編。盤
礴萬古初。時拈紙上語。破的妙有餘。已甘酌對難。舌本噤
不舒。矧予在半流。所見方模糊。蝸涎不自潤。詎敢相濡濡。

人生強多知。於已固已疎。曉邊遺太極。意上町六虛。獐猿
繫尚跳。况乃拊檻呼。是神非吾神。萍穢政可奴。嘗聞不遠
復。佩作三字符。煌煌杏壇春。一枝明清湖。蜂蝶未全知。佳
處自不孤。惟子先著眼。時來採芳腴。何當其叩微。歸性有
順塗。

新涼

新涼爲招客。勝集非預圖。前峰雨未散。冷風遶吾廬。披襟
沐清駛。合席隨霑濡。定知喧譁中。欲此一快無。興來橫以
酒。草具來須臾。田翁偶過我。添杯坐其隅。爲言秋暑劇。稻
畦日凋疎。寧辭抱甕勞。僅給園中蔬。喜茲甘澍足。普潤無
遺墟。遙山莽難分。綠浪搖虛徐。我病不任耕。歲收仰微租。
蒙成每自愧。一飽便有餘。連觴使之醺。醉語雜叫呼。野人
無他腸。我輩恐不如。

吳傅朋游絲帖歌

園清無瑕二三月。時見遊絲轉空濶。誰人寫此一段奇。著
紙春風吹不脫。紛紜糾結疑非書。安得龍蛇如許癯。神蹤
政喜縈不斷。老眼只愁看若無。定知苗裔出飛白。古人妙
處君潛得。勿輕漠漠一縷浮。力道可望千鈞石。睠子弟兄
情不忘。軸之遠寄悠然堂。謝公遺書藁若活。衛后落翼搖
人光。翻思長安夜飛蓋。醉哦聲落南山外。亂離契濶三十
秋。筆意與人俱老大。政成著脚明河津。外家風流今絕倫。
文章固自有機杼。戲事豈足勞心神。傅朋王逢源外甥也

病中賞梅贈元晦老友

梅邊無與談。賴有之子至。荒寒一點香。足以酬天地。天地

亦無心。受之自人意。韜白任新和。風味要如此。

過鄴中

逐鹿營營一夢驚。事隨流水去無聲。冥沙日傍荒臺落。綠樹人穿廢苑行。遺恨分香憐晚節。勝遊飛蓋尚高情。我來不暇論興廢。一點西山入眼明。

望楚

客浦舟凝滯。凭高識楚鄉。有愁關眺覽。何地不淒涼。草木詞人怨。江山霸主亡。悠然獨搔首。暮靄一星光。

井泉

石井水濺濺。寒莎映碧鮮。雨聲添溜急。天影入波圓。曉汲連山寺。春耕潤野田。杖藜三嚙罷。毛髮更蕭然。

巖桂

涼颼振遠村。寂寞度清芬。山路不知處。月窓時夜聞。孤根寒抱石。落子半飄雲。袖手空延佇。無才可賦君。

新灣

苒苒寒生水。面煙吳歌唱。罷月微偏。停橈又向灣。前宿一夜西風浪。打船。

汴堤

參差歌吹動離舟。宮女張帆信浪流。轉盡柳堤三百曲。夜橋燈火看揚州。

天迥

天迥孤帆隱約歸。茫茫殘照欲沈西。寒鷗散亂知多少。飛向江頭一樹棲。

銅爵

金碧銷磨瓦面星。亂山依舊遶宮城。路人休唱三臺曲。臺上而今春草生。

中渡

渡南渡北是長亭。沙上行人立馬情。回首若無煙樹隔。只應猶望見高城。

江上

江上潮來浪薄天。隔江寒樹晚生煙。北風三日無人渡。寂寞沙頭一簇船。

雙廟

無復連雲戰鼓悲。英風凜凜在雙祠。氣吞驕方張。日恨滿孤城。欲破時。幽鳥自啼簷際樹。夕陽空照路傍碑。平生不作時韋意。倚棹哀吟兩鬢絲。

安仁道中

汨汨復汨汨。著鞭雞一號。老身緣底急。長路只徒勞。石亂春溪惡。山淡曉月高。村沽得微醉。猶足張餘豪。

餘曠

顛風急雨退花晨。翠葉銀苞照眼新。高架攀緣雖得地。長條盤屈揔由人。橫釵數朶開猶小。撲酒餘香韻絕倫。唯有金沙顏色好。年年相伴殿殘春。

海棠花

幽姿淑態弄春晴。梅借風流柳借輕。剩種直教圍野水。半開長是近清明。幾經夜雨香猶在。染盡煙脂畫不成。詩老無心爲題拂。至今惆悵似含情。

策杖

策杖農家去。蕭條絕四鄰。空田依壠峻。斷藁布窠勻。地薄
惟供稅。年豐尚苦貧。平生飽官粟。愧爾力耕人。

疊嶂

益遣歸心快。愁霖喜乍晴。樹陰迎馬合。波影照人清。不見
雲山路。時聞樵斧聲。暮雲偏自急。相伴隔溪行。

野步

野步忘歸遠。春心不自休。管弦非老伴。風雨定花讐。柳暗
溪溪路。溪寒小小樓。謝娘歌白紵。此意可忘憂。

送原仲之荆南

風急塵埃滿漢關。送君行處路漫漫。不知爭戰幾時定。常
恐別離相見難。三逕舊游松竹老。五湖新隱水雲寬。交朋
日覺知音少。綠綺從今莫浪彈。

景陽鐘二首

景陽鐘動曉寒清。度柳穿花隱隱聲。三十六宮梳洗罷。却
吹殘燭待天明。

一刀殘月淡觚稜。遙望林梢曉色升。寂寞小簾風露冷。玉
盆脂水已生冰。

泊舟

莽莽荒茨岸。回回亂石灘。雨寒收市早。風急泊舟難。寓縣
兵猶鬪。乾坤網正寬。慙慙囑龍劍。莫久卧波瀾。

次韻張守壺山詩

松根繫馬望噴虹。乘興攀躋不作難。日出漸看林霧散。潮
來先覺海風寒。遙連釣石多紅樹。半出僧垣盡綠竿。不見
雙旌來視稼。憶君對酒豈能歡。

莫田

打麥蓬蓬響莫田。兒童拾穗笑爭先。市頭米價新來減。一醉瓷甌五六錢。

途中

小市猶依海。橫橋欲跨汀。雨餘榕徑冷。春晚芋田青。薄官低豪氣。浮生惜壯齡。急流歸亦好。憂患飽曾經。

次張守韻二首

促席山堂夜。寒燈吐碎金。酒分鄰甕美。粟爆地爐深。疎嬾難堪事。紛華易壞心。自憐貪寸祿。雙鬢老侵尋。瓦白霜封縞。波清月漾金。柝沈秋壘靜。人語夜堂深。故國歸何日。寒衾事滿心。庭松憐手植。擢幹已彌尋。

悼李奉

選拔由親衛。時危遠出征。氣驍嘗忽敵。身歿始知名。故妾辭空帳。殘兵隸別營。傷心豺虎窟。冒險爾何輕。

次韻陳成李郡會

疾雨狂風恨若何。芳晨坐覺等閑過。惜花意欲春常在。對酒年來飲不多。雅會欣聞珠履集。新詞好付雪兒歌。風流閣老推前輩。喜客溫顏似醉醪。

出郊

路轉囊山北。扶輿憶舊過。乾坤征戰久。游宦別離多。瘴樹餘紅葉。春江又綠波。平生豪橫氣。未老半消磨。

偶書

風急塵暗九州。岸中長嘯一登樓。故園却憶桐孫在。薄宦端爲荔子留。湖海以南兵尚鬪。不死禍難休。似聞

推轂皆飛將。盡有清談謝傅流。

與原仲至交溪橋

倦憩春橋午。回環翠碧重。亂溪流背海。新柳色欺松。厭市常思野。爲官不及農。喜逢湖上客。談話得從容。

春望

杳杳盡寒色。乘高望更迷。曉晴山氣上。春漲野橋低。幽鳥啼無伴。閒花發欲齊。幾多沉寂景。醉筆爲提擿。

北風

雁起平沙晚角哀。北風回首恨難裁。淮山已隔塵斷汴。水猶穿故苑來。紫色蠅聲真倔強。翠華龍袞暫徘徊。廟堂此日無遺策。可是憂時獨草萊。

原仲溫其彥藻彥符致明集敝廬

清樽勸客且留連。亂後相從亦偶然。三徑生涯鄉社裏。一秋心事菊花前。向來憂喜皆陳迹。老去光陰逐斷弦。懷抱故人今有幾。只因情話可忘年。

宿雲際偶題

穀雨都無十日閒。落紅棲草已斑斑。曉烟未放屋頭樹。春漲欲浮天際山。翠蓋縈風沈遠坂。漁舟驚浪落前灣。鐘聲認得林邊寺。歲歲籃輿獨往還。

客路

客路經春雨。淹留未得歸。徑泥黃染屨。林霧白侵衣。直氣何由吐。愁心只欲飛。東風如解事。吹夢落漁磯。

哭呂倅

瞑目荒山裏。攜家萬里來。旅塋猶借地。兒哭不勝哀。裂甕

妖難測。藏舟事可猜。大賢應有後。天道信悠哉。

秋意

又見庭梧一葉飛。物華心事兩差池。百年未半老相逼。四序平分秋獨悲。過岸山川雲漠漠。殘燈院落雨絲絲。客懷料理須杯酒。哭向窮途定是癡。

屏跡

屏跡山樊避世喧。晚風落日靜柴門。寒泉遶竹通幽圃。小徑穿田入別村。散策微吟霜葉脫。釣簾宴坐碧雲翻。閒中興味知何晚。絕口名途不更言。

絕句二首

目送孤鴻獨倚樓。晚風吹淚更橫流。萸花落處蠻烟碧。六十三程是白州。

竹遶茅簷水遶階。東風漸欲放春回。丁寧紅紫休爭發。待取山南刺史來。

寄蜀

有客傳歸信。愁懷得暫寬。兒童占鵲喜。鄰里借書看。離蜀秋方半。浮湘歲欲闌。柴門頻灑掃。夢想見征鞍。

野墅

野墅驚秋晚。殘年忽忽過。海潮通井淺。林日到窓多。酒盡鄰翁餉。詩成稚子哦。人生行樂耳。軒冕奈余何。

汴京紀事二十首

帝城王氣雜妖氛。何知屢易君。猶有太平遺老在。時時酒淚向南雲。
玉璽相傳舜紹堯。壺春堂上獨逍遙。唐虞盛事今寥落。盡

卷清風入聖朝。
聖君嘗膽憤艱難。雙蹕無因日問安。漢節凋零地澗北。
州何處是通汧。
朝廷植黨互相延。政事紛更屬紀年。曾讀上皇哀痛詔。責
躬猶是禹湯賢。
聯翩漕舸入神州。梁主經營授宋休。一自
波惟見斷水流。
內苑珍林蔚絳霄。圍城不復禁芻蕘。舳艫歲歲銜清汴。纔
足都人幾炬燒。
空嗟覆鼎誤前朝。骨朽人間罵未銷。夜月池臺王傅宅。春
風楊柳太師橋。
御路丹花映綠槐。曈曨日照五門開。吾皇欲與民同樂。不

惜千金築露臺。

神霄宮殿五雲間。羽服黃冠祕曉班。詔許羣臣親受籙。步

虛聲裏認龍顏。

宮娃控馬紫茸袍。笑撚金丸彈翠毛。鳳輦北游今未返。蓬

蓬良嶽內中高。

篤蓐清香步障遮。並桃冠子玉簪斜。一時風物堪魂斷。機

女猶挑韻字紗。

萬炬銀花錦繡圍。景龍門外軟紅飛。淒涼但有雲頭月。曾

照當時步輦歸。

雲芝九榦麥雙岐。盍有嘉生瑞聖時。玉殿稱觴聞好語。時

教張補撰宮詞。

橋上遊人度鏡光。五花殿裏奏笙簧。日曛未放龍舟泊。中

使傳宣趣鄆王

天廡龍媒十萬蹄。春池蹴踏浪花飛。路人爭看蕭衙內。月下親調御馬歸。

盤石曾聞受國封。承恩不與幸臣同。時危運作高城破。猶解拍軀立戰功。

梁園歌舞足風流。美酒如刀解斷愁。憶得少年多樂事。夜深燈火上樊樓。

倉黃禁陌夜飛戈。南去人稀北去多。自古沙埋皓齒不堪重唱蓬蓬歌。上蓬字上聲

河漢如雲掃沈寥。登東寒鐵響清宵。竹窓驚破高人夢。門外駸駸萬馬朝。

輦轂繁華事可傷。師師垂老過湖湘。縷衣檀板無顏色。一曲當時動帝王。

題將軍巖

昔年棲險人何在。髣髴樓臺杳靄間。事去長空飛鳥沒。時清宴坐一僧閒。霜秋石壁黃金樹。月夜雲濤碧玉灣。杖策時來訪奇絕。漁樵幽興自相關。

訪原仲山居

寂寂臨湖屋。湖風為掩門。鳥聲幽谷樹。山影夕陽村。好事長畱客。雖貧亦置樽。平生枯淡意。去此欲誰論。

有懷十首

滿空寒雨雜飛煙。湖上先生擁褐眠。借問茅齋容客否。夜燈相伴讀韋編。胡原仲

結茅同隱水雲間。何日柴車不往還。憶得松林長嘯罷。歸

時明月偏秋山劉溫其

山空墜石咽寒溪。雨濕浮雲晚更低。不見蕭屯劉處士。年清夢遠瓜畦。劉致中

當年冊府仰才華。一跌青雲萬里賒。白首却來蓮社裏。幅

巾緇褐誦楞伽。鄭向明

風驚枯葦白花浮。欲下橫橋晚更留。惆悵不逢吳季子。一

溪寒水帶烟流。吳公路

青錢學士妙文章。便合含毫侍帝傍。寂寂閩山餘舊隱。憶

君時到讀書堂。張巨山

松底柴門盡日關。主人西去幾時還。長鑱委地黃精老。時

有寒猿嘯硯山。傅茂元

馬蹴浮埃去路長。相逢端欲問行藏。未饒赤壁風流在。且

向何家醉碧香。周元仲

翁侯滿腹是精神。三謁金門計未成。却跨蹇驢游雪上。秋

風雄劍匣中鳴。翁德功

曾訪高人上翠峰。至今清興逐松風。籃輿夢想行山處。白

葛花開細雨中。密庵

送六四叔之茶陵

底用怱怱便據鞍。離觴縱滿不能歡。瀟湘萬里客愁遠。題

鳩一聲春事闌。此去宦遊當益顯。時來功業自非難。似聞

幕府資奇畫。好借雄風弄羽翰。

同詹明誠傅茂元游晞真館有詩因次其韻

橘袖垂紅古觀秋。歸途邂逅得尋幽。晴沙散策隨山遠。夜

月回船信水流。勝處無詩端可恨。它時有酒更來游。相陪

二妙平生友。老矣襟期共一丘。

邃老寄龍涎香二首

瘴海驪龍供素沫。蠻村花露挹清滋。微參鼻觀猶疑似。全在爐烟未發時。

知有名香出海隅。幽人得得寄吾廬。明窗小爇跏趺坐。更覺曾懷一事無。

次韻溫其元日詩

曉來飛雨挾風顛。洗出韶容換故年。花動一紅明屋角。山寒亂碧到樽前。病如夜鶴孤還警。老似春蠶飽即眠。賴有故人開寂寞。錦囊詩句許時傳。

次韻熊叔雅七言

只今飄蕩賈長沙。來往三山躡絳霞。馬上新詩猶憶友。枕

邊幽夢不離家。風驚枯葦連汀雨。霜著寒楓滿樹花。却記梁園都識面。干戈豈料落天涯。

謝劉致中瓜

萬言不直一杯水。才似謫仙良可嗟。顧我小詩偏發市。年年博得蕭屯瓜。

分茶公美子應預為白曬之約

夢裏壺山尋二妙。不因荔子髻絲華。聊分茗盃應年例。故有筠籠來海涯。鮮苞尚想妃子笑。槁面何取西施肥。老饕惟作耐久計。一瞬紅紫真空花。

致中招原仲游武夷

病暑冠裳與體忘。一屢幽僻得深藏。微風時度澗光活。殘日忽無山氣涼。但想子綦方隱几。終慚南郭謾連牆。何時

曠劉致中詩云不見蕭走劉居士年清夢遠瓜畦可與呼詩併看

九曲尋幽事。船尾應須著漫郎。

同才仲入山有懷奇仲

客至那容嬾。牽筇入翠羅。山光知雨過。野色見秋多。妙語時相奪。微吟只自哦。吹墳來獨晚。此日恨如何。

次六四叔青字韻

寫出吳中勝。平生歷歷經。路窺烟渚靜。山入柁樓青。老氣何由逸。奔暉不肖停。北潭搖夢否。綠面照軒櫺。

時中良弼茂元慎儀集水閣

水色兼山影。漂搖小閣西。風來幽囀活。雨過萬紅低。炯炯杯中趣。喧喧枕裏迷。新年一聲笑。四友在潭溪。

寄張子平

老矣張平子。飄零客此州。清樽如有伴。白髮不知愁。雨燕

稍簾。風花擁檻浮。夢中家在否。歸興莫悠悠。

晚飲

招提聊駐屐。却去白雲堆。老眼看山倦。餘懷向酒開。晚涼微雨送。秋意一蟬催。醉裏揮犀妙。方知有逸才。

次韻長汀壁間

竄鼠驚殘夢。蕭蕭老屋虛。風聲傳遠瀨。寒意入秋蔬。客路漂搖入。歸身憔悴餘。西窓滿殘照。鬢鬢似吾廬。

韋齋詩鈔

四七

朱松字喬年號韋齋新安人文公朱子其嗣也第進士
 除秘書省正字建炎紹興間詩名藉甚聞河南程子之
 學捐棄舊習朝夕研討久而溪有所得趙鼎督川陝荆
 襄招為屬不就鼎再相除較書郎歷度支員外史館較
 勘司勳吏部郎秦檜主和議上章極言其不可檜諷御
 史論其懷異自賢出知饒州未至卒

至節日建州會詹士元

嗟予身百憂佳節過倥傯客愁隨綫增歸思與灰動當年
 從子曰未覺百慮重高堂遶牀呼一櫛有餘勇那知客天
 涯相對寒骨聳歲月增幾何鬢絲今種種忍饑山藥煮附
 煖地爐擁浚藏斷還往衰病脫拜拱興言望鄉關雲物方

鬱滯空餘相屬意。盃酒久不捧。

寄題叔父池亭

一壑久藏勝。數椽忽開亭。方塘蔭瓦影。淨見魴鯉行。主人有嘉招。轉柁失高城。不知幾搖兀。杙舟上崢嶸。尊酒酌芳深。園蔬煮柔青。翩翩射鴨弓。一笑翻綵翎。那知海陬姪。斗粟忘歸耕。餘生信萍梗。歸夢識林垌。漲水有回波。故鄉豈無情。一醉會有日。因之濯塵纓。

考亭陳國器以家釀餉吾友人卓民表民表以飲予香味色皆清絕不可名狀因爲製名曰武夷仙露

仍賦一首

二年飲水閩中村。忽見玉醴傾蠻尊。涓涓醍醐灌熱惱。耿耿沆瀣明朝暎。早塵久漲城市暗。渴夢欲挽江湖吞。何人遠致雙鯉信。知我來扣羅雀門。不須邀月已清絕。尚恐熨齒當微溫。要從華池汲真液。豈獨玄鬢薜愁根。微芒已識投轄客。斌媚似返當壚魂。奇功誰續伯倫頌。妙意要與淵明論。胷中我自存涇渭。筆下君已傾崑崙。詩成寄與約他日。飲君與我空瓶盆。

久旱新歲乃雨

高田土可簾。下田不受犁。遺蝗憂插啄。况乃麥未齊。赤子天自憐。溝壑忍見擠。雨逐新歲來。停雲忽淒淒。莫辭三日霖。爲作一尺泥。汪汪旣沒膝。濼濼仍拍隄。漸看簞笠出。笑語喧畛畦。我欲與寓目。父老同攀躋。此身羣萬生。擾擾舞甕雞。曾亦無幾求。脫粟配羹藜。永言故隴耕。老眼路淒迷。好收斂版手。鋤耨歸自攜。

蔬飯

蕨拳嬰兒手。笋解籜龍蛻。薦羞杞菊開。采斲煙雨外。嗟予
飯藜藿。咽塞舟泝瀨。朝來二美兼。一飽良已泰。充腸我誠
足。染指客應嘅。平生食肉相。蕭瑟何足賴。王郎催牛炙。韓
老憶鯨鱠。俠氣信雄夸。戲語亦狡獪。我師魯顏子。陋巷翳
蓬艾。執瓢不可從。一取清泉酌。

戲贈吳知伯

條侯得劇孟。吳楚坐可馘。我知無能爲。失此一敵國。偉哉
奇男子。俠氣橫八極。書生復何者。駢髻老筆墨。刺口論安
危。事往竟何益。匹夫嘯空野。驚塵一方塞。區區空有意。浩
蕩先鋒鏑。何如吳王孫。語輒面浮赤。交遊得朱亥。負販鄙
膠鬲。腰間鐵絲箭。上鏃紫塞翻。笑指蛇豕區。滅此而後食。

諸公未備知。欲薦恨無力。明日我過君。烹牛呼社客。當書
游俠傳。令子姓名白。

十一月十九日。與仲猷大年。綽中美中。飲於南臺。
空山欲雪雲冥冥。玉梅半開吾眼青。此身垂欲走塵土。聊
復舉酒看崢嶸。折腰向人不知取。故園可鋤在千里。金昆
石友一開眉。珍重道人相料理。楚江東岸先人廬。竹君安
否久無書。歸歟何時應白首。我食吾言如此酒。

送志宏西上

九州眼一粲。餘子真瑣瑣。嶽立培塿中。喜此高岷峨。如公
我輩人。取友亦到我。揮毫賦垂天。風雨卷蓬顆。相期八表
遊。未覺夙心左。解龜醉江關。酒面山月墮。起瞻帝鄉雲。感
嘆不成坐。何須飛霞佩。自辨凌風舸。瀛州渺溟渤。萬里一

章齋詩集
三
掀箴緘詩寄天涯。秉燭對新火。那知市門仙。斗祿事么麼。
空餘腸九迴。上疏何日果。

寄陳陷元

我生少所可。靡靡世一律。如君素心人。指不三四屈。久與
宵人遊。歸卧常自失。效尤起媮心。阿意增美疾。低回強酬
酢。高論形敢出。緬懷魯同子。蚤入伊洛室。聞道既先我。論
詩又奇崛。縱橫談天口。卓犖扛鼎筆。勝我何足云。論交敢
自必。桓公宜見規。寡過行有日。書來約過從。一笑破蕭瑟。
新涼宜燈火。永夜勘書帙。豈無一尊酒。少促軟語膝。更呼
小叢歌。未怕官長詰。跋子占騎氣。千嶺秋回鬱。着鞭及清
境。澹澹月華溢。

月桂花

窗前小桂叢。著花無曠月。月行晦朔周。一再開復歇。初如
醉肌紅。忽作絳裙色。誰人相料理。耿耿自開落。有如貧家
女。信美乏風格。春風木芍藥。穠艷傾一國。芳根維無恙。歲
晚但枯槁。

茱菊

海上作重九。菊揉青蕊香。近墟買茱萸。枯顆出藥囊。兒曹
記土風。歉歉事祈禳。老夫未免俗。聊爾答風光。災祥理不
僭。此柄孰主張。譌言眩末俗。吾欲案長房。

吉貝

炎海霜雪少。畏寒直過憂。駝褐阻關河。吉貝亦可裘。投繯
望著花。期以三春秋。茸茸鵝毳淨。一一野繭抽。南北走百
價。白氎光欲流。似聞邊烽急。綠江列貔貅。裁襦觀鐵衣。愛

此溫且柔。天乎未厭亂。利厚人益媮。誰知海濱客。獨歎無人酬。

餽歲

歲晚追土風。獨甕誰與佐。人心感流光。臺餽屏奇貨。鷄豚取牢柵。門戶隨小大。去鄉二十年。憶此但愁卧。兒癡元未識。但索梨飢坐。何時鴟識村。莫作驢轉磨。不須志四方。教子求寡過。歸哉及強健。老去煩劑和。

別歲

舊歲已趣駕。爲我不少遲。凡心畏增年。而歲豈容追。丈夫有夔屈。牢落天南涯。收功英妙年。豪傑彼一時。寧當如秦越。坐視瘠與肥。隣翁意誠厚。酌酒寬愁悲。懇懃何時忘。祝我致好辭。撫世非吾事。諸公正扶衰。

守歲

庭燎夜未央。旌旗煥龍蛇。九門一放鎖。萬馬誰能遮。亂離憶舊事。安眠夢無何。目眩燈燭光。坐厭兒女譁。念此亦土風。雖癡不容撾。更爲盧白戲。紛爭起橫斜。故歲不足計。新歲莫蹉跎。努力誦書史。從人笑翁誇。

送沈昌時赴寧海令兼叙別

午潮平處落歸帆。已覺離情兩不堪。轉手便成千日別。悲歌聊倚一盃酣。波翻別壑聞車水。青遍柔桑趁浴蠶。歸路春深風日美。伴誰操筆賦幽探。

西湖泛舟

望湖樓下照衰顏。羞見塵埃兩鬢斑。風艇縱看山轉側。烟堤儘逐水回還。喚人歸去城鐘急。觸處相親嶺月彎。不用

新詩摹絕境。定知長到夢魂間。

贈言命張生

俛仰塵埃的自羞。稍看寒餓復誰憂。小兒造物巧相戲。窮鬼逐人殊未休。我所不知煩子算。世如無取更何求。服箱挹酒真么麼。那用區區問斗牛。

贈僧

知有叢林特地過。幅巾迎笑出巖阿。杖藜同覓牛羊路。濯足來分鷗鷺波。豈不倦遊貪斗粟。坐令歸思動漁蓑。他年會有相逢日。稍食吾言聽子呵。

寒食

粥冷春餠凍。泥開臘酒斟。故鄉空淚滿。華髮正愁侵。山暝雨還住。煙孤村更深。誰知江海客。浩蕩濟時心。

答卓民表送茶

攪雲飛雪一番新。誰念幽人尚食陳。髣髴三生玉川子。破除千餅建谿春。喚回窈窕清都夢。洗盡蓬蓬渴肺塵。便欲乘風度芹水。却悲狡獪得君嗔。

和人遊仙峰庵

千巖萬壑翠縈回。一洗衰翁病眼開。落日多情留別嶺。秋空無地着浮埃。雲閑出岫初無意。松老參天豈願材。我是散仙君記取。更鞭鸞鳳少徘徊。

蘆檻

手斲修蘆着檻栽。使君公退幾徘徊。想當風雨翻叢急。疑卷江湖入座來。未辨松窗眠綠浦。且將屐齒印蒼苔。種成桃李人間滿。應念孤根首屢回。

董邦則求茶軒詩次韻

一軒新築敞柴荆。北苑塵飛客思清。更買樵青娛晚景。便應盧老是前生。千門北闕夢不到。一卷玉杯心自明。冷看田侯堂上客。醉中談笑起相烹。

送仲猷北歸二首

一丘習次有餘師。空此淹留歲月遲。黃墨工夫憐我倦。簞瓢風味要君知。新詩落筆驚翻水。俗學回頭笑畫脂。伊洛參同得力句。還家欲舉定從誰。欲尋當日故山盟。身世今如海一萍。歸路上心真了了。愁根入鬢已星星。挽衣共酌東西酒。折柳送行長短亭。念我知君回首處。萱叢菖葉一時青。

寄吳致一

相逢一笑兩忘懷。夢遶親庭首重回。世事難磨三尺喙。離愁都付一分杯。秋生林薄歲時晚。水落江湖鴻鴈來。賸作新詩頻寄我。天涯時對兩眉開。

四月十五日上元道中

亂山身逐簡書來。梅子黃時雨未開。一葦橫斜風葉度。千灘聒扇雪城催。危機種種那容避。俗駕駸駸底未回。聊復浮遊隨造物。故園回首思悠哉。

送黃彥武西上

門掩蓬蒿氣浩然。西風筆勢更翩翩。未忘大學藎鹽味。時說定林文字禪。蘆風光傾上國。槐花心緒記當年。里門歸日車應下。置酒遲君沉水邊。

書室述懷奉寄民表兄是日得民表書

文室無塵琴几橫。吏休息鷺散無聲。舞風竹影傲傲轉。紫
夢蘊香嫋嫋清。已笑榮枯盧白戲。不須物我觸蠻爭。故人
剪燭西窗約。知得何時話此生。

答人畱別之什

家在大江東。復東去。君一舍碧流通。那知臨水登山處。同
寄飛蓬斷梗中。愁絕孟中千里月。夢縈江上一帆風。只今
且作須臾意。更典雲裘醉小藜。

次韻李堯端見嘲食蕨

真人官府未黃緣。且向龍山作散仙。春入燒痕催采蕨。雨
翻泥隴憶歸田。蔬腸我若枵蟬腹。詩格君如擊鶻拳。筋下
萬錢謀更鄙。諸公飽死太官膾。

送友生

剝喙門前久未噴。定知我輩不羈人。午窗喚起夢魂好。一
語便知風味真。身嬰世網坐營口。心識醉鄉墮問津。忽先
秋燕背人去。四角何由生客輪。

贈范直夫

將軍競病詩成處。南浦春歸蘭玉叢。漸減心情身老大。久
垂談笑路西東。鄉關落日蒼茫外。樽酒寒花寂歷中。且與
寓公同放曠。浩歌相屬倚秋風。

招友生

雨收天氣欲清明。猶有餘寒在粥錫。馬隊客勤貪晝永。鱸
堂人病想身輕。讀書有味薑鹽好。對境無情夢寐清。欲話
此懷須我輩。一來蠟屐伴春行。

寄江

龍卷風雲一髮端。不妨聊作侍祠官。高情未許羣兒覺。萬事何須正眼看。問道從公春信近。談天容我酒盃寬。乘桴亦有平生意。回首紛紛行路難。

次釗彥仲傅茂先韻

強蹋府塵從傅子。立談江閣識釗郎。一尊此地見眉宇。十載相思成鬢霜。秋燈煜煜照情話。夜浪翻翻吹客牀。投名徑入農圃社。老矣不夢天門翔。

次張演翁林元惠韻

朱門小駐使君車。二老風流入畫圖。但有觥籌供笑語。從教歲月上髭鬚。詩成華燭畱殘蠟。客醉高歌叩缺壺。更起爭碁誇得雋。不應局蹙守邊隅。

太康道中

一色春勻萬樹紅。坐愁吹作雪漫空。誰知榆莢楊花意。只擬春殘卷地風。

燈夕時在泗上五首

燈花作意照歸人。短棹扁舟寂寞濱。帝力如春蘇萬物。遙知太一不威神。

雲窗月檻仰乘輿。俯看香車出繡襦。九陌人人歌帝力。不須微服過康衢。

鸞駕翩翩馭晚風。積蘇宮闕夜濛濛。明朝遣覓鐵如意。應

在涼州酒肆中。我欲安心未有方。至人遺跡已茫茫。自非窄堵波中老。誰直先生一瓣香。

我觀世界只兒嬉。一戲相從更莫辭。綺語未忘餘習在。明

朝與和紫姑詩

鈇山僧齋假山

攀開華嶽三峰秀。疊就層峰數石寒。等是世間兒戲事。道人莫作兩般看。

石門寺四首

楠刺藤稍罨客衣。直緣微祿得奔馳。懸知投老歸田味。只似登山困睡時。
行穿蒼麓瞰平岡。踏破青鞋到上方。城市紛紛足機穽。却從山路得康莊。
林棲相喚出幽谷。我亦欲起天未明。枕中泱泱響山溜。一似荒城長短更。
真功那復歎蒸沙。靜笑飢腸日夜譁。老褐不須供茗粥。朝餐吾已辦丹霞。

餐吾已辦丹霞

以研墨送盧師子

明窗子石澹松腴。萬卷盧郎正要渠。何似黃梅碓下客。夜翻半偈倩人書。

春晚二首

梅子生仁柳絮催。春風塵跡只蒼苔。繁華一夢年年事。長是初鶯爲喚回。
客路歸來芳節闌。杖藜隨處小盤桓。危紅數點藏深綠。須作春風爛熳看。

宿石龍寺

觸處爲家底是歸。浮生南北未忘機。道人身似南枝鵲。更盡秋宵一再飛。

寄人

西山相對臥寒齋。耿耿思君不滿懷。比似持雲來寄我，何如君自作雲來。

勻道人之玉山戲作小詩送之。

道眼無塵萬景隨。滄江秋色入新詩。歸時人問江南好，只道君行到自知。

南浦小詩迎勞二弟。

健碧倚天無數峰。眼前渾似故人逢。問來識面知何處，應在頤齋詩卷中。

和幾叟秋日南浦絕句簡子莊寄幾叟。

兩翁相對語更闌。想見風生席石間。詩就南枝三轉鵲，樽前秋月半嚙山。

凜凜臞仙千載人。當年許卜一枝隣。天高鬼惡堂堂去，誰識渠儂不壞身。不見陳公歲又除。七峰深處食無魚。終煩指似龜山路，會使人疑得異書。風雨交交耿夜燈。天涯兄弟對牀聽。莫嫌詩作江南語，一夢家山眼亦青。

書永和寺壁。

胃中一盃本超然。投跡塵埃只可憐。斗粟累人腰自折，不緣身在督郵前。來解征衣日未斜。小軒泉竹兩清華。道人恣力真無礙，解遣龍孫吐浪花。

九日送僧歸龍山

九日相攜積翠中。勝遊兼有道林同。枯顱一任君披拂。寄語龍山落帽風。

牛尾狸二首

壓糟玉面天涯見。琢雪庖霜照眼明。投筯羞顏如甲厚。南山白額正橫行。物生甚美世所忌。吹息雪中成禍胎。湯帆卯盃頻下筯。江南歸夢打圍來。

洗兒二首

行年已合識頭顱。舊學屠龍意轉疎。有子添丁助征戍。宥令辛苦更冠儒。舉子三朝壽一壺。百年歌好笑掀鬚。庶幾已識天公意。不忍回頭更指渠。

雜小詩八首

身將雙影背閩山。伴我江南去又還。欲寄道人簷下宿。此身都未似雲閑。俗學回頭笑畫脂。我今羞悔子何疑。恐輸靈運先成佛。莫學湯休苦覓詩。松風十里客襟涼。路入江南選佛場。欲問道人三世事。樓鐘重聽未應忘。江南風物略知津。便覺詩成筆有神。不向九江看五老。故應猶未是詩人。紛紛穠穢久相忘。只憶僧齋畫夢長。珍重道人畱客語。君家無比北窗涼。門外山光萬里濃。且將寥落共清風。箇中自有濠梁意。不

用磨刀斫眼紅。
道人鋤斧得從誰。無復當年隻影隨。笑我不求千戶郡。坐
知成佛更難期。
避世山中祇樹亭。綠陰遶舍忽青青。拋書自笑爬沙手。要
挽天河洗甲兵。

立春日雷

陌上冬乾泣老農。天雷甘雨付春工。阿香急試雷霆手。莫
放人間有卧龍。

送輝雲際二首

三日雨行來款關。篝燈相語雪羸山。低回俗裏未能免。只
有對君非強顏。
認取芝峰鉢中影。要君歸去首重回。相思手折寄千里。想

有南枝迎臘開。

題范才元湘江喚舟圖用李居仁韻

天涯投老鬢驚秋。夢想長江碧玉流。忽對畫圖揩病眼。失
聲便欲喚歸州。

朱棹字逢年文公之叔父也少有軼才自負其長不肯隨俗俯仰厄窮蹙蹙有人所難堪而其節愈厲其氣益高其詩閒暇畧不見悲傷憔悴之態因夢名堂曰玉瀾梁溪尤延之叙其詩

二詩寄德聚并簡內觀諸友

春風本自掣肘去那更病留過一句滿眼山川雖不改連天桃李已成塵銀河誰與洗兵馬寶唾安能泣鬼神悵望故人分雪此飛雲落日在綸中
九淵亭上二三子見說年來事事新隔水不容招手喚曲窗已有畫眉人醪醑香好急攜酒鴉鳩聲繁催送春笑我江南未歸客飄然天地一閑身

因踏元看竹了軒因用去年方字韻作此
淇澳渭川那復夢而今天遣出南方要觀大節須霜雪莫
說此君無肺腸照木形容殊不惡臨風言語一何長山僧
豈識留連意千里故人逢異鄉

三山次潘靜之升書記韻

客路那知歲月長。掀眉一笑苾芻房。且傾徐邈聖賢酒不
問陳登。上下牀雲影翻空迷海嶠。秋聲隨夢到江鄉。明朝
各聽船窗雨。猶憶枯碁戰四郎。

逸書寄出與李知哲唱和詩次韻

邂逅招提頓客輓。十年塵土且休休。三人月下從渠便。二
老風流到我不。南北只今無好語。山川如許更悲秋。故應
賸作鐙金句。莫羨羣兒萬戶侯。

老兵種菊以詩謝之

蔬畦雨徑策動時。徒種隣墻菊兩枝。九日無人過未放。十
分舉酒酌王尼。花栽泉玉秋風健。香近龍涎曉夢知。負中
不應還負眼。長饒煩爾鎮相隨。

九日與客語慨然有廬山之興

九日黃花笑白頭。分將牢落付荒丘。半川暝色聊償夢。別
嶺秋聲旋寄愁。江國經年多浪語。匡廬入手是真休。未能
免俗須登陟。睨視元龍百尺樓。

三山次鄭德孺韻

日脚微明雨脚疎。誰將雲夢賦相如。西南山好君知不。一
見全勝讀異書。

何日歸舟片葉輕。白鷗相伴鱗微鳴。只應潮打蓬窗處。已

作離騷一半清

寓居南軒

雲氣披猖月意孤。冬青倒影上庭隅。燈橫老薺蛾方去。書掩新芸蠹已無。一世盡知關魯酒。十年不擬歎齊竽。支頤坐覺疎星沒。獨扣龍頭瀉酪奴。

答戲昭文梅花

臘到方留此日寒。雨多未覺過雲殘。共驚臺柳葱葱去。獨抱園花細細看。洗面不勞千點雪。薰衣剩破一分檀。詩人窮苦誰料理。只倚東風酒量寬。

延平道中

一溪春漲午晴初。日透波光綠淺裾。却憶孤山山下路。石橋清澈看叉魚。

雲間三十六峰高。北望思歸夢亦勞。來客雙峰莫相笑。少低吾眼爲兒曹。

舟次龜湖阻水因遊董山

山雨疎疎心又驚。起瞻天色斗微明。他年一枕江關夢。知憶蓬窗此夜聲。

一川黃濁寫崐崙。若恨南溪不盡吞。三老亦知行意速。時時挿竹記沙痕。拂拂朝霞到客舟。苦疑雨意在鳴鳩。好峰天半元相識。且作僧林挾策遊。夢好山晴曉不知。船邊今日見鬚眉。向來快寫崑崙地。元有薰風綠盡時。

僕自以四月十四日自延平歸所寓之南軒。積雨陰

濕體中不佳。二十五日夜夢至一處流水被道色
清絕。若有欄檻而無屋宇。有筆硯皆浸水中。予驚
問何地。旁有應者曰：此玉瀾堂也。夢中欲取水中
筆硯作詩。詩未成而覺。意緒蕭爽。殆不類人世。鷄
已一再鳴矣。因賦此。

蘧蘧飛夢過雲鄉。物色清輝眼界長。閨闔未招金馬士。蓬
萊先立玉瀾堂。千尋濯足衣裘冷。六字哦詩筆硯香。當與
瑤池作同社。紅巾青鳥兩相忘。

贈周功崇

閩嶺浮沉二十年。歸心日夜夢江天。謾題甲乙煩君看。若
說功名只自憐。造物小兒知薄相。箇中老子已忘筌。一筇
聞作東南去。豈欲求人左海邊。

夏夜極涼

素簡久辭夜。清風先戒秋。稻淡羣蛤吠。草暗一螢流。古在
殊無計。心空尚有求。按圖尋分野。楚尾見吾州。

六月二十日 二十一日立秋

天涯明日見秋風。錯莫誰驚碧樹空。豈意楚山招隱處。盡
歸蜀客廣騷中。釣魚聊爾針方直。乞米茫然帖自工。獨卧
南軒聽南澗。蠻花猶作杜鵑紅。

春間小詩書趙園壁追錄之

柳態隨時秀。花容近酒輕。綠窗京洛語。蓋抹早鶯聲。
小語不知夕。幽香無盡時。影寒人欲醉。明月照醪醅。
夜坐池上用簡齋韻

落日解衣無一事。移牀臨水已三回。斗沉北嶺魚方樂。月

過秋河雁不來。疎翠庭前供答話。淺紅木末勸持杯。明明
獨對蒼華影。莫上睢陽萬死臺。

書報國壁向年寓學於此嘗見虹下飲溪中復聞子

規

昔與春風來此時。攜書齷齪伴兒嬉。山晴欄楯投雌霓。身
病林巒號子規。短髮蕭蕭吹易盡。長江滾滾去何之。欲追
舊事無言說。更作三生石上期。

六月二十日二十一日

北山小集鈔

四九

程俱字致道。衢之開化人。以外祖鄧潤甫恩補官。坐
書論紹述罷歸。宣政間進頌。賜上舍出身。歷官禮部郎
建炎直秘閣。知秀州。南渡航海。趨行在紹興。初爲秘書
少監。時庶事草創。俱撫三館舊聞爲書。曰麟臺故事。上
之。擢中書舍人兼侍講。旋除徽猷閣待制。晚病風痺。秦
檜薦領史事。不至卒。年六十七。爲文典雅。閎奧詩則取
淫韋柳。以闕。謝蕭散。古澹。有忘言自足之趣。標致之
最高者也。

雜興十首

一日復一日。百年如此耳。那將千百計。來日何窮已。逝者
不可追。來者安可知。正恐聞道晚。勿言功用遲。誤

誤點成駁牛。妙技有餘賞。作意畫地足。至今猶撫掌。君看
人間事。類此或往往。浩歎可奈何。悠然起遐想。
中夜忽自省。昔我今是非。音聲故如昨。齒長鬚滿頤。有人
夢中言。子念無乃癡。今猶昔人耳。昔人安在茲。
濯濯簷下溜。刁刁樹間鳴。蟲號百鳥鬧。小大各有聲。聲多
不畱礙。響振元無形。何殊百千炬。光影各自明。
胡葵向晨照。日引一尺長。松栽四五年。擢幹未出墻。溥溥
露方晞。借此顏色芳。各畱一寸心。試待九月霜。
春鳩一何拙。社燕一何巧。天陰逐其婦。飲啄聊自了。啣泥
亦綢繆。託此華廈好。物生固有分。巧拙均一飽。
糝糝新稊稊。補此茅屋漏。問云力田人。歲事苦耘耨。終年
手足胝。得此以自覆。香杭一過眼。糠覈餘滿甕。

昔年過吳江。戀戀不忍去。臨江塵思盡。廓若掃翳霧。茲爲
三年畱。已厭波濤怒。乃知常人情。趣新方捨故。
軋軋田邊車。卷卷不得休。出之一寸痕。益以幾尺流。扶提
暴中野。強作田家謳。車聲真哭聲。天遠將誰尤。
少小息振奇。頗恨身不長。身長益多累。信與憂俱生。回息
二紀間。浪使儻忽爭。誰能補黥劓。反我孩與嬰。

吳縣遊靈巖

春物已如許。放舟出橫塘。扶橈漾綠漲。迨此白日長。草木
有佳色。欣欣弄浮陽。幽禽靜相呼。乘和自翻翔。春風不著
人。浩浩吹我裳。終年息煩促。於此興未央。捨舟得平地。涉
彼萬仞岡。明霞墮山西。夜氣鬱已蒼。豈無從我遊。夾道鬚
髯張。風來得好語。落落隨低昂。幽堂掃禪榻。靜對燈燭光。

身輕浴新出境。寂慮欲忘。虛窻忽含曉。睡起日照梁。羣山發春姿。秀碧澹以芳。晨光晞薄露。草樹滋幽香。徜徉尋昔遊。步屣循長廊。振衣一長嘯。寸目了八荒。上嗟百世基。竟坐一笑亡。見劉禹錫詩當時館娃地。今作選佛場。乃知諸夢境。遁化豈有常。飄然詠歸歟。此適頃未嘗。重來會有興。肯使墮渺茫。旁人挽予言。借問身閑忙。吾方有公事。子去無相妨。

過方子通惟淡

白日苦易晚。我懷多隱憂。憂息劇春浸。浩漫不可收。出門欲有適。舉步且復休。塵中等膠擾。念此將焉投。駕言城東北。閭閻卽巖丘。是中有幽人。厲志凌霜秋。寸田荆棘盡。不假斤斧修。門無雜車馬。一飯乃見留。虛堂芝朮香。下有百尺虬。蒼陰匝平地。老幹森下樛。堂中羅酒漿。耿耿燈燭幽。四天黜無光。萬籟肅以摯。炯然坐相向。更僕語益適。我身動乖忤。夢寐喬松遊。常恐在泥滓。永爲天所囚。會當從之子。濯足萬里流。

夜半聞橫管

秋風夜攬浮雲起。幽夢歸來度寒水。一聲橫玉靜穿雲。響振疎林葉空委。曲終時引斷腸聲。中有千秋萬古情。金谷草生無限思。樓邊斜月爲誰明。

讀神仙傳

騎龍上天入太清。繼世而往在我盈。握鈴而呼大司命。主非使者走折脛。乃知神仙非智巧。積功累行如邠鎬。專懷邪辟祈長年。誰言淮南雞犬飛上天。

鯉魚腹中有隱符。白魚腹中有素書。鞭靈走石纜。一戲騎
鱗上天亦徒爾。誰能解衣涿水中。使人呼指赤鯉公。

莫作龍眉山頭客。三百年不得作直。故應未辦作李公。投
身百斛旨酒中。鼓琴先生有怒色。有愛終當爲物役。江都
王勿預人事。保蟲膏血使誰從。汝索。

香門若蔡經。市門著梅福。我爲松江吏。與汝相望亦相逐。
高冠長劔衛士從。有口底事使蠟封。此身况不爲陳尉。就
公蠟封三尺喙。不能擲米作珠爲狡獪。

古釣臺歌送阮閱休美成公微浙東

餓夫一往西山空。攫金挾篋清書同。東方作矣事何若。玉
柙未解裙襦中。排肩炙手日卓午。暮夜掉臂日送西飛鴻。
謂言水壺不受汗。正似馬耳經東風。我思一人去我千載。

乃在淞水之東。富春瀨山發嶺。今盡雲漢。溪流喧。白石
亂瀨聲盡處。萬尋碧。蟠蜿蜒兮守斯人之故宅。旁人指山
名釣臺。下視九土氛黃埃。投竿百轄何足道。直拂三珠挂
瑤草。彼一人兮皎獨立。清風爲神水爲骨。佩瓊蕤兮結明
月。紉蘅蘭以薦枕。兮服龍淵之無缺。羊裘蒙茸溪水旁。大
勝被袞升明堂。劉秀發兵誅不道。氣壓昆陽纜一埽。登牀
撫腹坐太息。始信赤符非至寶。君房素癡定不癡。致位鼎
足何其危。阿諛順旨腰領絕。安知直言身見殺。我昔客新
定。挂帆七里灘。整冠拜祠下。巖巖千仞層臺巔。神遊八海
極。髣髴聆其語。但覺萬古松風寒。滔滔舉世無不可。正自
喪我非母我。嚴灘水清山翠微。貪廉懦立歸來兮。奎蹄絮
縫不可以久棲。

即事戲作四首

老鳥作巢一何拙。柳條垂絲今秃缺。銜枝復墮苦饒舌。編

條作巢枝錯節。老鳥好汝勿傷藏。烏待得春葉長安巢。

令汝著哺母。密葉更能庇風雨。齊前數柳樹為老鳥取新條作巢幾盡

黃雀黃雀飛相逐。相呼門前啄遺粟。啄粟飽即休。有人挾

箒埽泥待作粥。數日門外輸苗遺粒狼戾黃雀喧集貧家小兒爭埽去謂之掃泥米

鶴唳固有似。云何啄泥取蚯蚓。蚯蚓食泉曾不惡。鱖鮓蛇

涎尤不忍。何如忍飢向芝田。腥涎溷爾不得飛上天。鵲一食腥穢可厭

烏啼未必惡。麾去恨不早。鵲噪兩耳聾。主人亦言好。安知

一喙鳴喜戚自顛倒。朝來羣鵲噪不已。童稚無知助吾喜。

羣鵲自與烏爭巢。慎勿喜歡真誤爾。齊前羣鵲時噪

謝人惠硯

帝鴻墨海世不見。近愛端溪青紫硯。溪流見底寒且清。光

凝淺紺淵之精。斧柯千古遺仙局。雲暗半山含紫玉。割雲

鏡玉巧如神。龍尾銅臺可奴僕。君來自南數千里。不載珠

璣如薏苡。芊芊溪草裹石硯。文字之祥直送喜。明窗大几

墨花春。爐山吐蘭千穗雲。虛中含默靜相對。那復草玄驚

世人。劉禹錫有端溪石硯人間重贈我應知正草玄之句

宮窳葬事回邑有感

生別萬里餘。會面終有期。死別不轉眸。一朝千古非白日

光在天。玄陰闕泉扉。盈盈閨中秀。土化成枯髓。冠笄共甘

苦。謂見素髮垂。那知死生變。不待桑蔭移。室有病時茵。篋

有嫁時衣。了了眼中事。閑妝靜容儀。垂楊手曾折。為我當

春稀迅流無迴波落英無還枝空房間無迹新墳草離離
傷心北門道同來不同歸

過劉姓園居

負郭三頃稻並田五畝園人生如此足安用華其軒親戚
居南陌交遊在東村有酒輒共醉傾輸見情言三徑雜桃
李九畦蒔蘭蓀黃甘百頭奴碧梧萬支孫山供景無盡石
映溪不渾桑麻中饋任布刈鄰翁論下以活妻孥上以奉
清溫時從赤松子亦訪吳市門嗟我抱此志十年若朝昏
家山眇天末松菊豈復存茲園臨官道坐笑車馬奔前山
復場圃疏築隨坳墩我來適春穠亂眼紅青紛恍然動鄉
思夢寄東飛雲

題海會寺

萬杉堆青沒山骨雲埋七峰時出沒飛泉拂石瀉哀湍
有萬古蛟龍窟藏頭睡熟呼不起地坼二年蝗蝻出千山
脉理漬清甘一罇涓涓流石液同遊况與惠詢輩許主簿遠首座
納屐振衣何勃窣大門當前新築道跨水曲欄欲突兀春
鳴輻輳趁朝炊水明懸流機械發指節對此自三歎抱甕
老人長搢搢却坐幽堂忽浩歌回首已失西山日

望九華

船發大雲倉五十里許顧江南衆山中有數峰奇爽特
異一見卽知其爲九華問篙人果然因知褚李野於廣
坐中識孟萬年正應如此作詩一首
卷簾對坐江南山掠眼送青來疊疊雲泉肺腸久厭旣挂
頰悠然聊復爾奇峰遠澹忽四五爽秀鬢鬢逼窗几平生

九華盛名下。一見定知真是矣。非關目力觀天奧。正覺羣山如聚米。好山如人。有高韻。不獨江州孟公子。直緣佳處無仕逕。落莫道邊同苦李。大是忘年耐久交。藜杖青鞵結終始。

山中對酒

秋容澹青山。爽秀雨皆足。清溪照千仞。空翠疑可掬。何年顧兔窟。桂子墮山腹。老香散淡林。屑玉綴黃粟。朝來客衣動。一葉下空谷。客心如焚絲。日月共煩促。留中尚磊塊。陶寫賴新淥。要當酒千鍾。澆我愁萬斛。顧有獨醒人。翛然倚枯木。

二月二日富陽城東

一春何許最佳處。柳色初勻思殺人。風揉雨練不可觸。弱綠映空顏色新。舊雨來時花未齊。今雨一過花團枝。明朝試踏城西路。已復可憐枝上稀。

桐廬道中書事

一星熠熠初尚微。俄頃滿天如灼龜。溪流黯黩四山黑。怒芒當空唯太白。舉頭仰書天漫漫。飛星縱橫絕河漢。新月未高不可見。終夜起坐發三歎。

題張太丞明園亭

京華真陸海。聲利之所闢。向來山林士。往往去不還。濡足未肯已。沒身何足歎。張侯翰林客。金龜著朝班。生平用一指。談笑起廢殘。紛紛多廬子。名譽莫敢攀。五十未云老。幡然歸故山。歸來謝奔走。治此五畝園。養樹如養生。斤斧不浪干。醫花如醫疾。察標見其源。花譜有醫花法上有十圍木。蒼然

午陰寬。下有百步荷。紅鮮映清瀾。爽氣日多佳。西山挂簷
端。安能九衢內。髀肉磨鞵鞍。我今坐奇窮。進退坎井間。違
已恨紆轡。長飢息抱關。當時彭澤令。四壁唯瓢箪。折腰未
為辱。徑去曾無難。而我亦何者。栖栖猶強顏。

送崔閑歸廬山

琅琊山中水。韻入三尺桐。琅然醉翁操。發自玉澗翁。流泉
不成音。寫寄十二宮。醉翁不可見。妙語聊形容。嘗聞三峽
泉。上與天漢通。請君記餘響。相彼玉珮風。此聲倘可繼。那
復有此公。
吾友胡少汲。結廬皖公城。濤山有小隱。背負紫翠屏。前臨
一溪水。可以濯我纓。欲分青山半。畱我谷口耕。信美非吾
鄉。翩然遂宵征。聞君草堂處。亦復占地靈。虛簷倚蒼崖。下

有玉澗鳴。樂哉不可到。因君懷友生。

有美一人

有美一人在昭君。藕絲為衣蘭作裙。君初顧言淑且真。直
欲載以黃金輪。人心變化如浮雲。明妝覺暗笑作顰。何當
還之承華茵。今君宴寢凝清芬。

有美一人在煙汀。未顏朝滌玉壺冰。素手暮理朱絲繩。語
言窈窕丹鳳鳴。坐持紈扇睇秋螢。何當還之翡翠屏。為君
把鏡整衿纓。

有美一人在南浦。月明採珠光照渚。瑤衣被體金索縷。獨
抱幽寒沐煙雨。何當置之白玉宇。為君歌陽春激楚。
有美一人在南浦以下四首七時鄉志完在昭州曾子開在汀州陳
瑩中在合浦

賦長興錢圃翁詩

學書要不成。學圃苦不早。向來執戟郎。何似於陵老。我無
拏雲意。所念在一飽。閉門種蕪菁。抱甕澤枯槁。荒畦財一
席。嚙嚼到春草。頗聞長城翁。八十顏色好。城西有寬閑。終
歲常却埽。安得五畝園。如翁一生了。

遊善權寺

放舟荆溪上。溪水清且徐。雲中離墨山。慘淡初有無。捨舟
並松麓。下直浮屠居。榻來東軒上。爽氣已有餘。飛來定何
年。無乃與此俱。奔流漱庭下。比竹繁寒渠。山淡絕凡境。物
物清以臞。蕭森似巖秀。天矯懸崖枯。幽禽發寒唳。響振高
林疎。我行亦良苦。却步計已迂。解衣卧清書。尉我千里劬。
予自爾來姑蘇省女兒竟欲歸却行三百七十里訪江
嘉於宜興故有却步之句

善權洞

嘗聞包山境。中有林屋天。旁通號地脉。嶽瀆潛鈎連。茲山
豈其類。瀕洞皆中穿。二巖岌山足。瑋淙激奔泉。牛羊走大
石。吐受無窮年。金堂下石液。雪積如烹煎。從來米鹽稱浪
播。俚俗傳一洞。啓山腹。穹窿亦聯綿。誰題九斗字。大篆仍
深鐫。中藏丈五石。屹若龍騰淵。回頭問主人。謂仲嘉我輩定
不凡。云何逐官牒。常得我所耽。向來共幽討。九鑠藏芝巖。
而我自林屋。翩然游皖瀆。洪崖儻可俯。不在南山南。

白馬洞

披榛不知疲。詰屈巖下路。俄然見深窾。僂步入巖戶。一泓
窈而澄。百步清以鴛。人言紫髯仙。白馬從此度。磷磷盡赤
石。丹竈遺滓汙。收藏已見啼。效速勝麻護。因知世盲聾。荒
怪雜疑誤。虛空如許大。長嘯可平步。胡爲萬山底。躑躅向

煙霧

神魚泓是日與諸公流杯中如西丘故事

柳州固奇士戲好亦幽絕遠懷西丘飲千古清興發倘伴
恨無所盤俎對羈縻聊爲五里行邂逅一壺挈神魚伏山
根滄溟初一穴侵侵決寒漚沙石助清越披莎得盤石離
坐若天設實觴競乘流眩轉亦飄瞥爭持或三醕遇坎時
一蹶歡來朱碧亂笑罷巾帽脫相望西丘游詎易議優劣

張公洞

昔年京江夜飛夢投雲山仍追謫仙老嘯詠層崖巔左盼
俯無地蒼巒生紫煙當時賦幽賞妙境竟莫宣今我來自
東扶僂漾荆川飽聞張公洞怪絕駭所傳聊從二三子一
結青山緣北靈敞奇觀下囑壺中天恍然驚昨夢了了墮

我前仄徑繚危棧重扃護靈淵奇礪立坡倚側洞貯鈎窾
初疑天台聚納此一室間夸娥運神化不隘亦不顛又疑
清都客翩然下雲輶幢旄儼行立導從森蟬聯丹梯香霧
濕玉室珠璣懸撐虛一柱屹戴重三能騫鈇竈久已冷青
驟那可鞭香壇望八景東晨開五便坡陀忽度險宛轉漫
無邊或淡如列屐或迤纔容肩高躋乍捫頂僞步欲墊泉
不知行遠近一步目九遷噫嘻此天設端在太古先恨無
少陵手寫之黃絹篇聊書夢中夢投筆一粲然公羊粲然皆笑

借居毗陵東門四首

客去不能寐偷然清夜闌樓居俯長川仰視天宇寬長川
濯雲漢錯落星宿寒青燈故可親且還對塵編其人骨已
朽千載與我言掩卷三太息虛簷清露漙

急景不可挽。吾生豈無涯。吳中十年舊。鬚髮亦已華。嗟我壯且老。方知失林鴟。欲歸巷無廬。欲駕塗無車。而子亦羈滯。心事如蓬麻。人生無巧拙。命爾將如何。吳中十年舊。謂傅冲益。猗猗隔河樹。幕幕緣堦草。時當長養候。顏色豈不好。萌芽忽柯葉。茂大旋枯槁。滔滔不自知。但見壯而老。人生亦草木。萬化迭侵擾。朱顏日夜變。素抱豈自保。借居臨官道。堂陰俯長河。前車接來軫。後棹紛相摩。我居其間。超然嘯而歌。頗從故人語。安用高軒過。旁有五園。不知主誰何。時能曳杖往。豈異吾山阿。

和柳子厚讀書

事賤反多暇。居卑適無虞。人間不爭地。聊此謝良途。營營子。熟視付一吁。塵中亦何有。坐聽日月逾。展卷即

古置書忘萬殊。不妨權子母。亦復商有無。平生僅識字。乃與憂患俱。持此遊學海。層臺漸積蘇。年來但遮眼。頗覺心恬愉。囊錢足自飽。肯怖騶朱儒。起卧一場間。兀如糜株拘。涼風北牕下。不減愚溪愚。誰能三萬卷。懸頭苦劬劬。小極正當寐。睡魔不須驅。

戲呈虞君明察院暮

三仕三已心如空。一壑一丘吾固窮。門施雀羅正可樂。車如雞栖良不惡。曾中九華初欲成。綵衣玉斧雙鬢青。世間何樂復過此。不失清都左右卿。長安陸海如洪爐。五金出入無精粗。平生椎鈍堅重質。一往融液隨流珠。請觀五石大瓠種。正以濩落浮江湖。環中何者爲榮辱。千鍾何如三釜粟。坦途緩步東方明。大勝跨

虎臨溪谷

秋夜寫懷呈常所征來諸公兼寄吳興江仲嘉八首
秋聲不關人。倦客偏入耳。蕭蕭舞黃葉。策策振疎韋。明知壯則老。搖落固其理。如何石心人。慨歎中夜起。

蓬藿沒三徑。藤蘂上瓜廬。時聞步屨聲。款關問何如。定坐無雜語。文章較精麤。馬融辭東觀。抗辭與世疎。顧此窮巷士。華顛空著書。屬王元規防

外監嗟已遠。吾猶識其孫。森然見孤韻。辯作懸河翻。低頭向螢窻。有類鶴在樊。讐書五千卷。字字窮根源。頗擣未見書。過我樵無煙。屬賀方回鑄

向來霜秋句。俯仰歲一終。人間有寒暑。方外無窮通。青青千丈松。不改冰雪容。坐閱蒲與柳。飄蕭隨雨風。寒松老益

高。蒲柳老益衰。流萍况無葉。復與飛蓬期。却埽計不早。出門欲何之。屬方子通。惟深。余壬午歲常過子通賦詩。有云。是中有幽人。厲志凌霜秋。又云。會當從之子。濯足萬里流。俯仰十二年矣。懷此高人。

剝啄驚午枕。軒昂見長身。蒼髯如脩竹。定非俯仰八德公。卧襄陽。不踏官府塵。此老頗似之。酒酣見天真。結甚幽。胸已辦老圃鄰。披榛時一來。數面久益親。屬楊巽。夕。臨孺

一士出吳下。諸生有楊王。相從寂寞濱。無乃計未長。縱橫二千字。坐可致玉堂。詞章乃糠粃。不直粟一囊。我媿非子雲。文書昧偏旁。窮居似韓子。草樹亦荒涼。時能出佳句。尉

我秋夜長。屬王楊二貢士
物色一如此。淩風薄人衣。遙憐下山客。增歎雉朝飛。固知難為懷。舉食念齊眉。勿使梨棗間。纏綿生繭絲。

清霜掃蕪。豈爲一草木。方春萬物遂。苑籞及水谷。乾
本平施。憎愛豈有屬。不應懷偏慳。獨遇吾黨酷。奇躬坐迂
疎。此事計已熟。如何半世間。生理常刺促。二篇屬一山仲嘉
仲嘉有孤節多
難比有仇儷之戚故云

夜坐

飢鳥夜啼棲復起。乞粟飛光透窻紙。捲簾萬瓦白生煙。桂
影扶疎淨如洗。回腸正隨清漏轉。葉下空庭亂如散。青燈
耿耿夜何其。雲篆吐蘭初一線。歲云暮矣萬竅號。和天旅
鴈求其曹。月行虛空幾萬里。羣犬吠光聲正豪。蒲團瞑日
空危坐。逝者如斯白駒過。悠悠昨夢不可攀。此身此心何
日閑。

春日寫懷

春風遍芳華。一國盡狂醉。窮閭獨不知。但見長蒿薺。秋
起蘋末一華初。未墜幽懷獨先覺。意象已淒厲。故知春與
秋。初不爲我計。危絃自應悲。寒木終易脆。要之夢中夢。憂
樂同一寐。豁然詠軒丘。心量浩無際。

豁然閣

雲霞墮西山。飛帆拂天鏡。誰開一窻明。納此千頃靜。寒蟬
發澹白。一雨破孤迥。時邀竹林交。或盡剡溪興。扁舟還北
城。隱隱聞鐘磬。

讀陶靖節詩

吾觀靖節詩。三歎有遺音。卧看起詠之。惜惜澹多心。欲學
靖節詩。慎勿學其語。心源如古井。衡氣光發字。言無出言
意。妙語自天與。譬如清冷淵。月湛不可取。欽崎阨驚湍。乃

若震雷鼓斯言可淡味。往往棄如土。

到官兩旬四走山野作詩以自勞云。

上山偃伸如望天。下山偃仆如淡泉。胡為持此不貴寶。來試萬丈懸崖巔。前人見踵後見頂。反足鳥道相攀牽。欬然置我章貢上。水激石罅奔雷填。荒勝曲澗無遠近。渺渺不見墟中煙。土岡鑿路狹如隧。蘇壁藤薜蛟地纏。寒風颼颼失白日。上有萬木蒼陰玄。航溪之溪揭其淺。碎石齧足聲號川。茗山發我一長喟。彼有吳市中仙。飛瓊練玉存故處。祇有井竈無霜鈿。我今正坐五斗米。悔不辟粒從期佺。向來吳松厭羈旅。三歲半逐鴟夷船。故教筦庫著疎嬾。坐守兀兀聊窮年。安知求逸得奔走。豈異避挺蒙戈鋌。咄嗟萬事無必計。努力唯有歸園田。按圖經茗山有梅福鍊丹竈故有飛瓊之句

九日雨中對菊忽忽塊坐用雨中對花韻二首

曾中有天游一室未為迫。永懷東籬翁。那復有此客。重陰敗佳辰。長雨不為澤。堆廽對黃華。菜色被臧獲。黃華亦蕭條。伴我雙髯白。猶能相响濡。嫩葉供小摘。

去年蛾眉山痛飲真得計。新蟾繼秋陽。明潔謝點綴。今年坐蝸廬。簷溜落空砌。花開信多雨。會少苦分袂。茫茫大塊間。游子况無蒂。百年能幾何。行復驚改歲。

急心如危絃。未斷先凜凜。風庭忽知秋。中夜不安枕。力行無遠途。積纒成重錦。男兒未蓋棺。雅志安得寢。榮衰非所念。身世固已審。亦復羨久生。聊為老饑飲。魏文與鍾繇書云。屈平悲冉冉

之將老。息餐秋菊之落英。輔體延年莫斯之貴。謹奉一束以資彭祖之術。

元夕塊坐因用葉翰林去年見寄元夕詩韻寫懷

兒童逐遨戲。先春禱春晴。心如飄風快。目若冰壺明。盍爲
惜日計。所願佳節并。老來見紛麗。如乾闥婆城。流光不可
挽。譬彼空中聲。那知節物佳。倏然謝將迎。幽燈對簡編。歷
歷記所更。斯須閉關臥。鼻息驚雷鳴。寤念北山北。田家已
催耕。胡爲異鄉久。空寒猿鶴盟。短日良易暗。凝陰有時晴。
何人勸之照。燭燎皆爭明。今年春苦寒。寒威劇幽并。連綿
積三白。雲埋闔廬城。淡泥浹新雨。行路無人聲。藜燈不來
下。箕卜豈復迎。朝來日照梁。天氣忽已更。稍聞橋市間。蕭
鼓遠近鳴。吳人尚游樂。急如赴春耕。唯有窮巷士。守窮如
守盟。

西安謁陸蒙老大夫觀著述之富戲用蒙老新體作
丈人意何長。縱目文史足。琅然五行落。洞視不再讀。作書

兼遠獎。眾妙探玄竺。公作莊頌般若頌數百篇時時歌四始。笑捧五經
腹。高堂發新稿。重複羅籤軸。觀之類窺管。風味得膏馥。蒙老
號爲連韻如云風捧諷韻

白頭書生黑頭翁。長安時花幽澗松。遠飛近啄雖異志。天
命厚薄無雌雄。鈎深采博燥喉吻。守此一畝蓬蒿宮。杜門
不出交二仲。木陰澗曲遙相通。紫囊貝葉資藝苑。款關一
見踰三冬。亭亭漫吏多所歷。乾死書螢心似漆。王門賓閣
不畱行。赭顏跣足搜泉石。茅簷正欲結雲根。竹葉榴花薦
餘瀝。當從元亮賦言歸。木茹麻衣永投筆。蒙老號爲合謙
藥名如當歸木

十月五日集李野家歸作
賢愚孰無營。急景信可惜。如何闔廬城。乃有此閑客。懷安

豈初志。運甕有餘力。相從無何鄉。邂逅一日適。虛憲得朝陽。寒凜作春色。琴書羅斐几。一一淨如拭。畫沙見奇蹤。落屑非近識。似追永和還。未覺正始隔。呼嶸衡霍圍。莽蒼雲夢澤。時華玄低邛。幽鳥共淅寂。誰驅此變幻。戲納方丈域。慚公慶春釀。澆我憂思積。豈無車公語。謂方顧匪伯仁匹謂長檠蠟華摧。起視霜月白。酣歌美清夜。擁髻待通德。參差吐幽妍。馨落豔芳碧。觥籌不留行。爲問此何夕。言歸謝主人。五斗安可極。

戲示江協律漢

酸寒北山尉。憔悴孔州守。枯魚同處陸。濡沫賴詩酒。當時年尚壯。意氣亦何有。祇今雙鬢華。十載一回首。仕初君似遇。遊倦吾已醜。邂逅記昔遊。空嗟漢南柳。

江再和戲答

當年季將軍。晚節河東守。誰令一人譽。揮去坐使酒。長卿起遐阪。落筆賦烏有。要之乃雕篆。意不在黔首。窮通付造物。世俗浪妍醜。何必送五窮。呼奴結車柳。

空相僧舍書事

午景人疎竹。堂陰筠粉香。疏簾撲空翠。無風自微涼。碁聲破禪寂。日轉幡影長。霏煙觸垂爪。泛乳搜枯腸。投局起尋勝。徘徊雨花堂。巢蓮見靈龜。信有千歲祥。徐觀乃跋鼈。圍圍循菰蔣。笑罷能歎息。是非可兼忘。却坐對談塵。水松想千章。斯須二三子。矯若驚鴻翔。府中有料理。不作功曹狂。杜甫爲功曹云。東帶發狂欲大叫。簿書何急來。相仍。是日江趙潘以幕職事去。

戲贈江仲嘉司兵

君不見謝公栖遲樂東土。起作司馬征西府。莫年談笑有
穰孫。鶴唳風聲走強虜。又不見子猷剡川高興闌。肯隨鶴
書落人間。不知騎曹底官職。朝來拄頰看西山。平生清真
翠崑老。泉石膏肓偶同調。歲寒落落見孤松。不忍低眉寧
枯槁。年來無米繼朝炊。聞說吳興富魚稻。不妨來作古司
兵。士卒投醪止息薄。美哉洋洋雪溪水。秋塘百里荷花繞。
當年釣徒放浪處。醉目悠然送歸鳥。斯人不死世不識。往
往凌波弄瑤草。君方參同。龍虎我欲治荒種梨棗。會當
月夜見庖眉。一笑超然凌八表。張志和自號爲江湖釣徒

送趙子書奉議歸睢陽用熊倅韻

紛華眩人劇朱碧。子獨好書如好色。王孫被服甚寒生。射
策君門先破的。榮州書窟三萬卷。錦付此庖眉客南遊

句吳北大魏。亦復徒勞問刀筆。不唯脣齒腐經史。正自雲
山鑱曾臆。老來息交息簡事。爲子忘劬廢晨昔。春風滿帆
送歸舸。回首清游如昨日。知君名駿定千里。不待朝廷訪
幽側。有書時寄鴈南飛。顧我漁樵正爭席。

同趙奉議離吳興江仲嘉與其兄仲舉送百餘里醉

中戲作此句一首

大江飲酒如澆灰。小江飲酒顛如雷。扁舟相送不道遠。百
二十里雲帆開。云亭老人窮不死。故園茅屋荒蒼苔。闔廬
城中一畝地。已辨甕牖鋤蒿萊。吳興上佐吾黨士。十年縱
賞西王臺。眉間黃色絃絲服。施樓長嘯春風回。要須酩酊
酬此別。不離萬頃添金杯。明朝相望卽湖海。縱有美酒何
爲哉。

過毛達可友給事覽壁間舊詩次韻二首
堂前清颺發樹外赤日西坐令天壤間氣候忽不齊解帶
席嘉蔭長哦壁間題故應有神護塵土不得迷前年欵公
門鸚鵡亦已啼今年復羈旅庭莎欲鳴雞西游有底急觸
熱忘卑棲似爲飢所驅不計轍與蹄綈袍意彌厚槃餐洗
羹藜磊塊久不澆醇醪代朝盞襄陽乏新句夜直難相攜
黃華非不佳寒澹每見少蕭蕭亦無言懷抱不自曉淡嫌
小桃夭欲伴霜松矯窺叢慰寂寞時有南飛鳥主人真賞
奇灌植勤便了徘徊傍東籬高興在塵表坐有白頭生臨
風百憂繞

北固懷古

阿瞞長驅壓吳壘飲馬長江投馬箠英雄祇數大耳兒
彷彿芒碭赤龍子幄中况有南陽客布衣躬耕無甌石當時
鼎足計未成聊此一奇空赤壁人隨流水去不還卧羊頑
石畱空山如今畱石亦煨燼山與長江相向閑

秋華無幾尚有紫薇相對里巷間

晚花如寒女不識時世妝幽然草間秀紅紫相抵叩榮木
事已休重陰闕淡蒼尚有紫薇花亭亭表秋芳扶疎綴繁
柔無復粉豔光空庭一飄委已覺巾裾涼手中薄葵箠雖
復未可忘仰視白日永淒其感冰霜

秋雨三首

細字忽難讀松憲失朝暉開簾視天宇屯雲凝如鷲霏微
乍噴灑翕忽看淋漓斯須建百川中庭卽方池秋雷亦動
地勢洶萬鼓聲虛簷忽無聲蒼狗變白衣飄搖露穹碧涼

北山小集 卷之二
廳洗蒸炊。雨師真解事。作止適所宜。

十日儷辰次。如環了無端。人言秋甲子。畏濕不畏乾。向來
譙門道。旁立三尺墻。故勤壁間緣。一起泥中蟠。青衣躍且
躁。有如沐猴冠。先聲忽灑道。直此辰與干。邇來未旬浹。三
見急雨寒。黃流抹河草。連檣度平瀾。良苗有佳色。未覺千
畝寬。時暘亦須早。無使江湖翻。頃年吳江大水。斷長橋。吳人相傳為太湖湖。
華首三不遇。求田亦良圖。莫嘆湖海士。豪氣故不除。扶犁
本吾事。二頃終勝無。繞舍生蒿蓬。閉門種英蕪。從渠百尺
樓。笑此蝸牛廬。吳中久卜鄰。會從古人丘。荆溪一塵地。儻
與求羊俱。屠門過大嚼。一雨喜有餘。正恐二二子。聯翩躡
雲衢。空令千里駕。悵望黃公墟。林德祖周憲之。皆居蘇郭。旗求田園在陽羨。

過紅梅閣一首

春風如醇酒。著物物不知。能使死瓦色。化爲明艷姿。寒枯
出繁秀。巧與節物期。江梅故幽獨。綽約不自持。居然北枝
後。迨此白日遲。春風日浩蕩。醉色回冰肌。清妍有餘態。衆
芳謝凡卑。憑虛一回睇。俯仰歲月馳。所恨培雪根。向來歲
寒枝。差池弄芳晚。坐令顏色移。顏色固嫵媚。幽香無故時。

題蔣永仲蜀道圖

梓州別駕真雛鳳。賞古探奇坐飢凍。要窺瓊蔚藍天直。
上潼江。歷秦宋。每逢佳處靜盤礴。流出胷中九雲夢。乾坤
塊。北本無迹。我獨毫端發神用。戲驅萬變寄陶寫。軒豁端
倪巧搏拈。蒼筠擢秀飽冰雪。古榦撐空中梁棟。奇礪那得
在山谷。回首何年委堅重。輪囷偃蓋屈金鐵。天矯驚虬起
巖洞。春江莽蒼迷東西。漢南老柳參差垂。煙中遠近見木

未明星已沒城烏啼。平生險怪三峽水。古木龍從陰風吹。
石間雷電殷九地。出入噴薄無窮時。我身趺足半天下。偃
蹇故是山林姿。南行瀟霍北嵩洛。應接不暇空狂癡。作詩
寫意如捕景。况有三絕窮天機。清晨對此悅自失。眼中太
白橫峨眉。請君十襲秘緹華。恐復仙去歸無期。

寄開化李令光

我行阡陌間。苗麥已復青。茅茨間新稿。雞犬有和聲。不見
吏索錢。田家得其生。雞犬亦肥字。不遭無事烹。於斯可觀
政。豈在赫赫名。父老亦相語。驩然就春耕。官租及時了。卒
歲樂無營。

山間古梅林。有鴉集其端。不飛亦不鳴。彈射莫敢干。下窺
羣雀雛。啄穎剗其肝。欣然舐兩爪。意得良自安。飛來多凡
身。助此凶且殘。安知萬山曲。亦復鳴棲鸞。相啾固不可見。
嚇技亦殫。衆鳥既有恃。相期在歲寒。

園居荒蕪。春至草生。日尋野蔬。以供七筋。今日枯枿
間得蒸菌四五。亦取食之。自笑窮甚。戲作此詩。

平生囁嚅口。出語無媚悅。定非肉食姿。賦分在藜蕨。僑居
得空園。窮陋亦清絕。分陰豈不惜。飽睡送日月。蕪菁不須
種。衆草今已茁。朝來一雨過。青細皆可掇。東籬有更生。杞
狗僅堪埒。乃知天隨生。豈羨五鼎列。堂萱不吾負。芽甲破
春雪。糜身薦瓢箪。解我憂思結。薺花雖未繁。著地爛於纈。
驚雷發蒸菌。自可當夏鼈。馬蘭亦芳脆。人菀固凡劣。晴朝
當炙背。俯僂事挑抉。家人各盈簪。汲井手自挈。滿炊太倉
陳。侑以冬菹冽。盤中長闌干。置饋每虛撤。恨無籜龍苞。此

味那得闕長謠青青槐饒液想庭樾妻孥覆相誚男子志
勳烈君非老浮圖菜本可長嚙况茲閑草木豈為刀七設
乃翁笑摩腹萬事付一呷此中有真趣勿為兒輩說

九月七日夜夢王元規詰旦其弟元矩適相訪感而

作詩一首

故人入幽夢彷彿平生懷心知九泉隔意象慘不開哦詩
不成章微悅誰能裁曰此蕭爽士寧當沒黃埃夢中作詩
兩句似是
此意然不記本語清晨客在門乃自烏衣來典刑見難弟共歎一
息乖幽明不可詰此夢何為哉回觀南園道微徑已蒿萊

卜築西塢

和柳子厚南澗中題

出處初漫浪淹留失佳時時英盡珠璞寧復見誰差一去
四十年伏櫪久已疲幸此歲將暮穿雲弄清漪窈窕煙塢

中蒼陰晝森垂茲焉寄茅屋橫仄任所宜谷口蘄杉竹柴
門畏人知誰言一丘貉儻與汗漫期

寄菱湖江仲長柔

和柳子厚初秋夜雨贈吳武陵

急澗無止水秋蘭無故叢別來今幾年坐閱毗嵐風交親
半鬼錄生者仍衰窮及茲過君家樽酒一笑同知我獸擊
鼓煩君韻絲桐相攜步林壑暫覺萬慮空禱社寄莊叟謂
醉鄉著無功謂仲長醒來百憂集尚寐期無聰

晨起梳頭髮白且稀有感

余髮已種種我懷亦依依風林無安巢寒日無餘輝束髮
隨官牒前言服良規豈唯會計當自詭牛羊肥妄獻北闕
書野芹安足希一挂邪士籍徒嗟寸誠微倦倦叨畝志正
作禍患機羈危不如人行行向知非世變不可料塵暗

王畿真人起白水帝命式九圍。誤沐宣室召，白頭侍經幃。
誰言螢燭光，敢近白日暉。誰言草木萌，敢試雷霆威。野馬
立仗下，軒昂妄鳴嘶。弃之老牛阜，無復瞻龍墀。天公了無
私，與奪適所宜。時方急功名，選煥安所施。士方貴才辯，安
用鈍訥爲。常人與善士，何異於愚癡。譬之救焚溺，珮玉行
逶迤。弃捐乃其理，刺天看羣飛。幸非高明宰，百鬼浪見闕。
自從伏嵯巖，風淫得偏癩。有足不得行，有手不得持。每思
林野娛，濟勝憂無期。堆甃不得往，如驥繫且韉。如盲不忘
視，如寒不忘衣。如痿不忘起，如羈不忘歸。但願老窮健，長
甘北山薇。豈復理鬢髻，峩冠待晨曦。

自仲嘉云亡未始見夢舟行夜入吳興境有夢如平生感而賦詩四首

江子監斯世，翛然向方蓬。一朝成千古，寤寐不復通。夜入
霄溪境，胡然見幽夢。高標何所似，俯仰風中松。談笑如平
生，炯炯雙方瞳。去年經行地，陳迹亦已空。故應玄真老，相
與遊無窮。

諸人久不死，而使武子先。斯言太癡絕，愛惡無乃偏。君看
雅正情，播在三百篇。秦人哀三良，百身寧可捐。相鼠有深
刺，嗟哉胡不遄。此豈惑者歟，如膝墜諸淵。乃知孫楚狂，未
必非公言。

世以勢論士，君誠不如人。揚揚乘軒者，志滿氣甚振。外見
七尺軀，中有萬斛塵。鑿枘固難入，鸚鵡豈相倫。炙手苟可
熱，行路爲雷陳。高棲冷如鐵，骨肉不得親。誰能獨無死，榮
辱久乃真。

皇天非無知。伯道固有後。百年能復幾。僅此一昏晝。久知彭錢天。不及殤子壽。向來簞瓢生。廟食至今侑。東陵雖飽死。千載有餘臭。梟蕃得剗腸。若折謾遺鼓。試當問立夫。此理或可究。

初到書局以萬七千錢得一老馬盲右目戲作古句

自嘲一首

蹄間三尋汗流赭。九達雷電爭飛灑。我窮那得騁追風。正擬虺虺行果下。平生良塗飽經歷。夜半臨溪無馭者。故應造物巧相戲。却比盲人騎瞎馬。李南知音當覆步。廣漢騰嘲不相假。執鞭良稱塞翁兒。並轡聊從杜陵夏。庖然病額豈其類。老矣問途那可捨。徑煩一夫事刷秣。似桂新鬪不盈把。向來伯厚亦安在。結駟雞棲同土苴。他年東去把撻

風縱爾道逢汴東野。

晁無斃將之錄示近詩有和其兄以道說之詩次韻

以致區區兼簡以道

談詩如談禪。練性如練墨。以道淡於明壯心悟龜毛少作理頗喜造墨豈蛇足。平生甚元龍。未信今伯玉。十年得投閑。高卧謝寵辱。定知貧勝富。固自平為福。著書著名山。會使山鬼哭。結廬近三休。為米時一出。猶嫌佛場選。肯問燕臺築。俗人難與言。鏡鬢遺盲禿。前年客長安。正覓三釜粟。塵中一傾蓋。爽氣岷峨綠。別來更崎嶇。寡陋嗟我獨。塵埃篋中書。有手不暇觸。

次韻寄謝公表韓公朝請

世人如鯽魚。自蔽翻吐墨。猩熊亦何罪。不衛脣與足。要當

時木腹安問定石玉向來休休翁老去稱耐辱迹高名自
汗卒享清淨福肯爲接輿生叩木妄歌哭韓公早聞道垢
濁久已出終成九層臺不弄一筐筭長安列戟第桐影將
缺禿寧辭治中輿且食祠宮粟留中荆棘盡華髮當更綠
抗塵我何庸勇退公所獨何如善刀藏聊放虛舟觸

和葉翰林送李從事

賞音真兩難邂逅多契濶一朝問容刀三歲歌采葛古人
抱修能初不露錐末誠令處囊中談笑堪式過豈無識玉
人顧恐鑠金奪遂令緇衣好斂迹我自脫畫蛇杯已疏志
鵠弓遽撥徒嗟湖海上髮白牙齒豁懷公劇梅林念至失
焦渴臨風賦新謠憂思不可撥

自寬吟戲效白樂天體

武陵謫九年下惠仕三已或窘如拘囚或了無愠喜吾生
憂患餘年忽及耆指偏癩未全安抱病更五禩進爲心已
灰弃置甘如薺坐狂合投閑佚老宜知止向令身安健不
過如是耳每思古窮人我幸亦多矣照隣嬰惡疾羈臥空
山裏纏綿竟不堪抱恨赴潁水文昌兩目盲無復見天地
簡編旣長辭游覽永無冀吾今雖抱病蹇曳非頓委時時
扶杖行積步可數里校之卧牀席欲坐不能起雖扶不能
行懸絕安可此時從親故談亦不廢書史右臂故依然運
筆亦持匕籃輿時出遊初不廢牢體况無他證候色脉苦
無異詳觀動息間儻有全安理待祠了無庸竊祿愧索米
借居浮屠宮非村亦非市廷堂甚爽塏高屋敞窗几郊林
接溪水眼界頗清美嘗聞天地間禍福更伏倚藉令衰蹇

身終老只如此。何須苦嗟咨。未必非受社。形如支離疏。飽食逸終世。目盲如宋人。全生免儒使。平生歎遠遊。今我在桑梓。田園接家山。區區及耘耔。平生困鞅掌。今我恬無事。寢興縱所如。出處不違已。病來益尊生。對境空相似。永無貪欲過。稍習衛生旨。不爲六賊牽。豈受三彭毀。人言病壓身。往往延壽紀。大鈞默乘除。萬一理如是。安全固自佳。蹇廢亦可爾。死生猶寤寐。况此一支體。細息安否閒。相去亦無幾。如何不釋然。萬事付疑始。

贈別吳忱宣德

并序

余客都城。邂逅河南吳誠伯。偕寓興國僧舍。其爲人樂善嗜學。練熟世故。徙居蘄春。適再世耳。而蘄春人至都下者。無賢不肖。必來問訊。其廬所傾下。往往知名士。故

舊有以急告。隨所厚薄。賙之。誠伯自言。尉光山時。捕得強盜十許人。賞應第一等。獄具部送府。盜親戚望哭道旁。或扶老攜幼。號戀不忍聞。誠伯顧盜非素猾。賊爲人害者。一旦迫飢寒。適爲盜。乃陷重辟耳。因以盜還送縣。稍緩其獄。久之。皆得不死。賞固不論也。凡此過世俗遠甚。今茲同寓僧舍者。至數十人。乃獨見親厚。此又何也。余調官東歸。誠伯從余索詩爲別。匆匆不暇。還家作此寄之。

吳公河南守。薦士得賈生。偉茲天下士。何止千人英。吳公失名字。功業賤不明。要非萬頃陂。莫著橫海鯨。當時好賢意。豈愧勃與嬰。蔽賢如面牆。白使兩目盲。好賢如力穡。穰嘉穀成。至今餘慶在。望著河南城。如君豈其裔。樂善

與京高門二千石世德故可評平生周旋士往往
作史今十年讀書不求名向來光山政何異古所稱
士營已寧使我負人聊須借汝頭一用朱吾輪今君乃能
爾所弃如毛塵故知古賢世尚見風俗淳猗予一疇
落良可憎折腰務求合俗眼竟不青憧憧九衢內邂逅蓋
一傾何從乃知我頓有交舊情相隨若形影出語見肺膺
長安速化地頑鈍終無營中宵起歸思襍被東南征投林
無擇巢促步無安行寧嫌菘爾邑要是衆不爭紛紛同舍
客聚散兩不停毛子去山邑哦詩對崢嶸想見簿領閒
如九秋鷹毛世高調澱州戢羽翮題輿重廬陵曾中若懸鑑圭
角不自呈上官閑中恢石老故游倦飄蕭數星星崇山古惡地
無乃煩答榜音彭石典宗振有程翁頗專嘿兩版晝夜局

時時繫烏帽匹馬挾一隲安知剎那間一卧不復興程典
其餘復誰在誰與交忘形去駕雖結轍來檣競揚舲懷君
尚畱寓京塵染裾纓其誰念久要佐子飛且鳴况君緇衣
後世故飽所更會當力推挽橫絕非階升却顧五湖上有
人方耦耕

送林德祖致仕東歸并序

壯而仕老而歸理也士溺於仕故困而知返病而能休
老而知止者世則猶然貴之若德祖於斯三者無一焉
然去官如脫屣是乃真可貴矣德祖方未仕以學行有
盛名四十起家至爲部刺史所歷皆儒官入糾天府於
今爲要地年始登六十茹蔬飲水神幹儼如也一朝浩
然有歸志退自府舍不謀於朋友不告於妻子夜半狀

上府晨朝可命下斯亦奇矣。余行道南徐過故人蘇三祖出許振叔書道德祖掛冠勇決之狀。余時冒初暑河遠途忽忽煩憤聞之灑然如挹寒流而濯清風也。而或者疑焉。余曰子無異也。士溺於仕久矣其視爵祿猶飢者之羨膏粱渴者之赴水泉寒者之陽而暘者之陰也。意若攀垂纆而上千仞不可須臾置也。今乃有人精通博之才居軒冕之會非有宜去之年不得已之事也。然且一朝去之彼以夸競之心計之是豈不可駭而執哉。且仕不仕何常之有。德祖非爲立者也非要利者也。徒曰適吾之適以遂吾之性而已。雖然自砥節礪行之詔屢下所以愧責貪競者之辭實淡聖主之所望士夫之恥也。今觀德祖之去就重輕亦足以振士風矣。夫仕者

畢心力以奉所職處者先廉退以風士類是皆有益於時者也。德祖豈不賢遠於人矣哉。既遇諸淮陰舟翩然東使人有冥鴻之歎因爲詩以附諸公之末云。

浩浩聲利閒靜躁同一區排肩日中市有類逐獸趨中朝
尺寸地衆睇咸睢盱安知大雲客出與飛雲俱翛然棄之
去初不計卷舒紛紛軒裳士瞠目口爲吐茫然更歎息不
間賢與愚乃知楊少尹未足繼兩疎時當老而傳不失仕
且居非同會稽史苦誓困簡書不比狂季真索身憂病餘
耆年了無事方當騁亨衢投簪逸湖海沛若縱鱉魚雖無
揮金事日者誰公如清風激多士故是明時須恨無采詩
氏儻有東歸圖

餘杭法惠院荆文公書堂文公康定中讀書於此

鍾山太傅起從龍。鼓動風雷指顧中。未見圖形求傅野。豈知徒步客新豐。青鞵曾訪餐芝老。許遠遊登崑茹芝乃餘杭山中也白首唯餘擣藥童。寺僧言文公多養疾此堂當時給侍童子今八寸餘歲矣藏壁故應畱斷簡。至今山鬼慟悲風。

送蔣主簿入都赴試一首

東南貢吏紫髯郎。一馬駸駸客路長。袖裏山林洗塵霧。腹中文字了縑箱。流年過我長如許。樂事知君詎未央。行恐飢來驅我去也。遮西日上河梁。蔣有名書小軸常置懷袖各盡中圖罷吏客郡城已數月。滯畱忽已歲暮。浩然興歎作一首。

首

一行作吏向吳城。五見姬隅上薄冰。魏覲三章堪自約。殷源百尺敢言登。柳榆祗送人爲郡。噎媚初非我負丞。鞅掌樓遲俱害性。不知鬚鬢欲侵凌。

寒夜遣懷一首

強醉重雲欲散鹽。三更飛霰忽驚簾。大呼何與癡人事。此意多應俗士嫌。出戶仰看天漫漫。持盃愁作夜厭厭。消除心事都無處。下盡中軍三百籤。

許主簿見和過有推借再作奉呈

身謀自昔須三窟。世味端能敗一薰。醉裏閑愁濃似酒。春來歸息亂於雲。松栽咫尺傳盧老。棗實方將訪許君。見許遠遊與王逸少書却喜雲孫共來往。扁舟時入白鷗羣。

用前韻作招許主簿

風騷無復見黃初。尚想應劉載後車。病骨不知緣底瘦。愁眉時得爲君舒。動人春色來隨鷺。入眼溪流靜見魚。祗有

此中多好句。可來茅閣試憑虛。

謝江仲舉惠酒

山城無物可忘憂。但有平原病督郵。知我囊中無白水。煩君若下出青州。芳甘未謝三年醞。傲兀能消萬古愁。會待東郊春意動。鳴鞭乘興草堂遊。

次韻張祠部敏叔游滄浪蘇子美故園

醉倒春風載酒人。蒼髯猶想見長身。試尋遺址名空在。却歎張羅事已陳。稍置曲欄穿徑竹。別開高閣俯汀蘋。拏舟更欲陪清賞。要看毫端藻繪春。

曹

詩成不直一杯水。年大常懷千歲憂。何須中令能強記。正

要將軍為破愁。故人久負丘壑志。公子欲尋梁宋游。相逢儻有蒲萄綠。肯向西涼博一州。

九日寫懷

節物驚心兩鬢華。東籬空繞未開花。百年將半仕三已。五畝就荒天一涯。豈有白衣來剝啄。亦從烏帽自欹斜。真成獨坐空搔首。門柳蕭蕭噪暮鴉。高適九日詩。縱使登高。高抵斷腸。不如獨坐空搔首。

窮居苦雨

慢膚便腹轉疎慵。睡足茅簷目過鴻。墨客縱令三尺喙。木奴何似十年功。門前羅雀非吾病。竈底生蛙不世窮。舊雨未乾新雨漲。可憐愁絕力田翁。

避寇村舍

再脫兵戈裏。全家走路塵。百年同是客。萬事不如人。幻境

終歸盡。生涯正要貧。故人知在否。魂斷楚江濱。寇至之日。江子支趙叔問適泊舟江口。未知今在否。

和答何蒙聖刪定

曾中林。豁寄商顏。門外紅塵了不關。年去人猶昔。人耳身游才與不才。間與君同覺。夢中夢。顧我長嗟。山復山。何日方舟歸里社。韋編應許試窺班。蒙正淡於易學。

和江仲嘉見寄

華門蓬舍不知春。車似雞栖甑有塵。千里傳情望雙鯉。一杯和影祇三人。交親離合同巢燕。身世羈危獨繭綸。四體不勤心擾擾。擬將玄旨問吳筠。江修練故有此句。

酬穎昌葉內翰見招

觸熱西遊沂濁波。京華旅食謝經過。年侵鏡裏今如此。

缺壺邊可奈何。賓閣遙知懸玉塵。直廬應許到金城。唐孟浩然故須公一節趨環召。猶及昆明百步荷。

旅舍寫懷

半世江湖寄此身。冰墟何意及陽春。離騷痛飲非名士。款段還鄉亦善人。病木作花真強活。長魚沈陸恐摧鱗。清時英俊如麻葦。敢歎長年甌有塵。

林德祖有詩寄光祿蔣卿夢錫璫及送朱博士駿發

終篇皆見及次韻寄懷

閉門那復賦三都。傳世何妨強著書。東海遺榮行路歎。南山歸隱故人疎。尚平婚嫁無餘累。摩詰身心即淨居。六十挂冠雖早計。絕勝銜索泣枯魚。聞德祖見近已娶婦。故有尚平之句。金華玉府九天開。夜誦何人薦逸才。太學諸生終莫挽。長

沙賢傳幾時來。別離傳恨空魚素。歲月如飛逐管灰。亦欲相追老湖海。稽山肯放酒船回。德祖既休致不復作都城書余獨時致書問訊故有空魚素之句

和江子我端友

雨脚初收曉霧開。青鞵布襪好追陪。幽人無事長相見。佳句有時還自來。白業誰能超石壁。朱顏亦任發春醅。憂來忽憶燕南信。安得闌鄉老萬回。

別後有懷子我追用巾字韻作寄

漉酒空峩五柳巾。一觴相屬念情親。玉川奴婢今猶昔。錦里田園老更貧。冰洞清泉誰共酌。風篁幽徑好尋春。開年晴暖須歸去。還向江湖覓故人。子我東去云欲居無錫或過錢塘故有水洞風篁句

鄭希尹大夫會吳中諸老唯方子通不至余作詩呈

希尹

黑頭新貴擁朱輪。交會耆英久不聞。博識猶多漢郎吏。敦詩仍有晉將軍。一作惻惻無華漢郎吏詩書執禮晉將軍河流曲曲靈光異。芝蓋莖莖瑞氣芬。是日九人坐想城東隱君子。無心閒似嶺頭雲。張敏叔祠部章伯成戶部餘皆員郎故有郎吏之句張仲謨嘗帥熙河故有將軍之句

會稽旅舍言懷

北山之北寄柴扉。茅屋參差倚翠微。老罷那知還作客。春來無奈苦思歸。淹留恐復荒三徑。潦倒寧堪扈六飛。乘鴈雙鳧成底事。不應容易裂荷衣。

次韻江子我見寄長句余詩初奉秘書少監

泥行正作龜藏穴。霧隱初微豹一斑。豈有高標如冠玉。况無談舌解連環。一登文石趨宣室。三竊蟠桃向道山。早晚

共尋雞黍約林泉猶得半生閑

山近

山近雲多態身閑夢亦幽紙窗先得曉布被最知秋海眼來陰冷雲根逗暗流結茅容我卜投老為君留

丁巳九日攜酒要叔問登通道門樓而江彥文寄玉

友適至因用己未歲吳下九日詩韻作

涼秋風物正清華極目高樓不見花老境固知無樂事醉鄉聊欲寄生涯銀鈞遠寄清桐滑玉液親題赤印斜笑引壺觴成一醉歌筵遙想鬢堆鴉聞彥文是日有盛集

戊午歲九日復與叔問登城樓再用前韻作

兀坐空哦服九華衰顏淡覺負黃花但令無事長相見敢歎百年生有涯雄蝶曉登千嶺祀穀波秋淨一溪斜歸來

更展新詩卷醉墨淋漓似老鴉

盧仝有却來案上翻墨汁塗抹詩書如老鴉之句

葺蝸廬吳下用葉翰林見寄詩韻作

四海無廬置此翁故營松竹儘囊空明知計出栢馬下正擬身全木雁中東郭易成生草舍南村先怯卷茅風向來豪氣今如此敢與元龍較長雄張志和結廬東郭茨以生草余結廬皆竹椽松柱故有松竹之句

和白樂天二首寫懷仍效其體

莫把蒼龜更問天向來心事已蕭然塵中倘悅常如失夢裏呻吟半不眠三徑松筠終問舍五湖煙水不須錢艾耆相去能多少早擬懸車十五年
中臺退食每逡巡不向重華即淨因豈但語言都少味亦知才術不如人五雲華闕通閨籍萬頃煙波擲釣綸鳧雁

去來何足道。從容居士宰官身。

和趙子雍游石園

長嘯西風一散襟。重陰疎影靜相臨。水通笠澤秋容淨。竹種玄池野思深。石磴埽雲雷晚步。松谿隨鶴盡幽尋。舊遊回首成春夢。太息憑誰寫寸心。

太湖泝檄西原道卽事三首

司空山頭朝出雲。西源渡口十里陰。煙中雞唱未及午。白雨作泥泥已深。

上崖下谷鳥道中。前屨後巾魚負從。西山路暗光已夕。東山山頭餘日紅。

道旁甕盎如汝陽。石間電雹如呂梁。不知身世在何許。驢頭四山鬱蒼蒼。

登富陽觀山亭

橋公宅中木參天。孫郎山前春燒煙。大橋不向五湖去。建康宮深空歲年。

題蔣崇德彝所藏明皇夜遊圖

燃膏飛控逐流光。露溢金盤樂未央。擬跨八龍窮轍迹。誰令一馬向銅梁。

七夕

阿母雲車下建章。茂陵秋草竟荒涼。漢庭卿相如麻草。只數窺窻陞戟郎。胥門老蔡定凡仙。會有神人與作緣。自笑塵容滯窮骨。不如雞犬上青天。

江仲嘉行邑將歸見寄絕句次韻

翫隣江公故不羣。八關三窟斷知聞。喜談狗馬從無鬼。獨抱冰霜似此君。

常嫌小知漫間間。晴度蕭然只愛閑。不借黃梁畱客醉。嚴關三鼓款銅環。

勸農行稼亦看山。牛驥何妨共一閒。應笑云亭老頗僻。背崖無地結三間。

濛濛扁舟拂水飛。飄飄蘋末細吹衣。傳呼匝地來連壁。東郭人知典午歸。仲嘉行縣歸司錄趙叔問牙之南門聯鑣還府率以為常

詩城端欲據天山。酒戶猶能敵飲仙。幽事相關公事了。如屏千嶂翠連綿。

三峰草堂

庭前雙梧一畝陰。禪房蕭森花木深。清霜脫葉空山響。夢

覺寒窻松月林。

雨洗千山翠欲浮。稻畦松澗已爭流。朝來風急凝雲盡。歷歷鐘聲過五州。

避寇儀真

北固山頭豎白旗。西津渡口僕姑飛。將軍笑引三千騎。洗馬鵝翎間道歸。是日聞浙西總管提兵自瓜洲取道儀真度長蘆便道趨杭

茅茨低小對青山。准擬餘年向北關。南望青山是黃鶴。欲憑黃鶴寄書還。

戲題畫卷

五載京塵白鬢鬚。丹青遐想寄衡巫。如今埽迹長林下。却對真山看畫圖。

留中雲夢本無窮。合是人間老畫工。常恨無因繼三絕。倩

人拈筆寫宵中

答和江子我

長江袞袞葉蕭蕭。心與虛空自寂寥。過眼文書風度穴。迎秋衾枕帶妄腰。

柳標橫擔入亂山。况如黃鶴倦飛還。不妨步履時來往。山北城南一望間。

駐蹕揚州以提點刑獄公解為尚書省禮部在西北隅卷書樓下甲戌年余嘗寓止焉今寓直其下有感

三入南宮更白頭。夜寒持被卷書樓。那知趺足半天下。投老浮山省舊遊。

戲題郭慎求所寄書尾

老罷歸來寄一塵。交親南北散如煙。誦君雪暗天涯句。離

台升沉二十年。慎求為海州幕官行縣嘗有詩云曉鳥啼

題叔問燕文貴雪景

一壑回環十二峰。茅茨送老白雲封。如今塵裏看圖畫。却愧當年邴曼容。

新作紙屏隆師為作山水筆墨略到而遠意有餘戲

題此句末句蓋取所謂柴門鳥雀噪游子千里至也時守秀州屢乞宮觀歸山居未遂

急雨初收山吐雲。清溪曲曲抱煙村。拋書午枕無人喚。歸夢真疑鵲噪門。

會稽喜得家書

黃耳東來一破顏。直從松竹報平安。遙知雲頂峰前住。霜鬢風篁六月寒。

試端溪古硯偶書二首

白首重來祇厚顏。有懷端欲向誰傳。語言相對都無味。色在蜚鴻落照邊。

人生當復幾兩屐。我飲寧須三百杯。破硯猶堪磨老境。醉拈椽筆掃霜煤。

卽事

雲裏瑤淙十九泉。茅茨淡寄白雲邊。何年斷取仇池境。擲過荆吳萬里天。

偶作三首

薰風習習動林光。紫翠陰中草木香。山鳥一聲清晝永。白

雲淡處北窻涼。

老向甘泉補侍臣。歸來還作卧雲人。一重一掩藏煙塢。三沐三熏屏世塵。

誰遣生駒玉作鞍。春來首著徧春山。自知不入黃麾仗。振鬣長鳴出帝關。

書壽昌驛

歲暮白日速。風高黃葉稀。歸心與寒鴈。一夜向南飛。

和翁秘監彥淡喜絕句四首

朝來喜氣溢層霄。側聽封人共祝堯。密雪正應歌九扈。疾雷先已破三苗。

時初珍雖寇

卽看新綠歸千畝。還見陳紅積九年。便覺雨暘如有意。不須花草苦爭妍。

九重誠意格天關。一夜風回萬壽山。銀闕瓊臺迷遠近。真疑羣玉接蕭閑。

風鈴相語紙窻鳴。拭縮飢腸凍下驚。却憶剡中高興盡。雪消江草喚悲生。

